

校正經餘必讀

校正  
經餘必讀

第四十

四庫全書





校正經餘必  
讀初二三集  
合編

蕉心署

經餘必讀序

制藝一道必先宗經蓋書義與經訓源流同貫孳乳相生者也昔李安溪講授時文欲藉以通經明理且謂制舉業而能發聖賢之道雖左右六經可也然則行文之必根柢於經章章已今 國家旣以五經通試鄉會士且又石刻十三經於國子監將胥一世而化以通經致用之學士生其間漸涵樂育罔不家賈鄭而戶程朱是以蒸蒸焉文風日上鎔經鑄史鏗鈞彪炳甯尙有麗奇華離之雜出於其間者哉然而運會日新人才輩出其負魁奇卓越之資者往往窮學力之所至直欲於五經十三經外搜奧蹟抉叢殘噓秦坑之灰剔汲冢之蠹傾倒而出之陸離斑駁更若傳天上之寶書也者迺使憎學之士驚怖其言舌橋目瞪此豈文章之外道與譬猶饜梁肉者采及廬羸服布帛者珍茲皮貝其所由來非一日矣曉峯雷子以名孝廉出膺一命暨奉諱家居乃與錢子憇南素然昆仲自夏小正迄路史等書彙爲經餘必讀刪其蕪穢擷其菁英將使學者沿波討源布指知掌且以供行文之采摭庶幾人人漁獵焉而且節縮篇幅購辦匪艱緡帑尤便行見荒僻鄉塾亦如手携而示之則卽以此爲巾箱五經也可顧或以割裂爲疑保無同於刪節經書之弊不知此固經之餘也而非卽經也雖摘錄庸何傷且亦爲不獲檢及全書者設也若夫連廂接棟家有藏函則叢書具在誠何須於此或又謂抄撮蒼萃義例焉昉則應之曰是固昉於林越

之漢雋王若之選映也觀者亦取其嘉惠藝林之盛心而可已

嘉慶八年歲次癸亥秋九月朔日同里述菴王昶書

經餘必讀凡例

一是編原爲行文采摭起見於經餘諸典中取其理正辭醇一切摘藻揚華爲詩賦取資不入文藝者概不錄入

一凡童子束髮受書讀四書經傳後卽可以是編循誦其文義與質者略用箋釋使人一目了然其易曉者則從其略

一編內註釋悉本前人如汲冢周書本孔晁孔氏家語本王肅之類不過刪繁就簡爾其諸家評釋闡發精確者間亦采取姓氏不盡詳載非敢掠美從省文也管蠡臆說斷不參入特自揣孤陋失當良多幸博雅君子之指誨焉

一三代兩漢以來其書浩若煙海不特遐陬僻壤購訪爲難且卽此數種已難全誦茲編博觀約取爲誦讀計也尙有數種未及編入擬鐫續集

一書傳旣久烏焉亥豕差謬滋多茲取善本全書悉心校正恐貽誤後人故於此頗爲詳慎



精校經餘必讀全集目錄

初編卷上

夏小正

汲冢周書

踐阼記

鬻子

管子

老子道德經

晏子春秋

孔氏家語

書序

詩序上

詩序下

荀卿子

竹書紀年

初編卷下

尚書大傳

韓詩外傳

春秋繁露

大戴禮記

新序

說苑

揚子法言

白虎通

釋名

世說新語

說文繫傳通論

路史

續編卷上

山海經

子牙子

穆天子傳

墨子

子華子

文子

列子

莊子

孫武子

楚辭上

續編卷下

經餘必讀全集目錄

楚辭下

孔叢子

呂氏春秋

淮南子

賈子新書

風俗通

吳越春秋

高士傳

太極圖說

通書

西銘

正蒙

皇極經世

三編卷上

七經緯纂

論語識

論語古註訂論

三編卷下

尚書逸篇

孔子三朝記

逸論語

逸禮經

歸藏

孟子外書

錢樹棠憩南

雲間雷 琳曉峯同輯

錢樹立素然

夏小正

竹書紀年帝禹夏后氏元年壬子頒夏時於邦國史記曰孔子正夏時學者多傳夏小正云

正月啟蟄雁北鄉

鄉其居也雁以北方為居何以謂之居生且長焉爾

雉震响

响與雉同震雷在地下雉聞其聲鼓翼而鳴

厥耒初歲祭耒始用暢

農農官也緯束也王耕藉祭始為耒耜之人集韻暢與鬯通酒也或云風俗通和樂而作者曰暢樂歌之名堯有神人暢

罔有見韭

禮內則時春用韭

有俊風寒日滌凍塗

俊風大風也滌變暖凍土解化為塗泥也

田鼠出農率均田

率循也均獺獻魚祭非其類故謂之獻鷹則為鳩非其

殺之

時變而農及雪澤

釋初服于公田

雪澤猶凍解也先服公田而後服其田也

采芸鞠則見

芸可為廟采鞠星名

初昏參中斗柄縣在下

中在南方之中斗柄建寅縣而在下

柳稊

梅杏棗

移桃則華

稊發乎也棗桃山桃也

緹蒿

音育藹莎草也緹實也仰

觀星辰飛鳥俯察草木蟲魚而於農事三言之重農也

二月往稷黍禫

禫單古通用單之為言盡也謂稷黍之事畢也

初俊羔助厥母粥

音育羔大能食草木不食母乳

粥養也

綏多女士

綏安也男女及時而婚無怨曠也

丁亥萬用八學

丁亥吉日萬千戚舞也即月令上丁習舞釋菜也學太學也

祭鮪榮葍

音仲春薦鮪

於寢廟葍甘菜也木謂之葍草謂之榮言葍正華時也鮪白蒿皆豆實也

昆小蟲抵蝼

蝼音遲昆衆抵猶至也蝼蟻卵言衆小蟲以至蝼類之微靡不蘇動也

來降燕乃睇劓觶

鱷通降下也莫能見其始出故曰來降  
勝盼視欲為巢也剝鱷剝鱷皮以為鼓也  
有鳴倉庚坤雅倉庚知分鳴鵙知至  
榮芸正月采芸二月榮芸  
見采之不盡其榮也

時有見梯始收穉者所為豆實正月有柳穉又云見穉小正之序時  
農事既勤萬用入學便思有教正德與厚生並重也  
○三月參則伏季春參星  
攝桑萎楊

攝采也采桑以飼蠶  
也楊則華而後記之  
羴羊羴音羊相逐貌羊性寒  
則散處熱則環聚也  
穀斛則鳴穀蟻  
頰冰采識頰冰分卿大夫  
識一名苦參妾子始蠶執

養宮事妾媵御也子內子也先妾而後子言事自  
祈麥實越有小旱麥為五穀之先見者故急祈於  
先農也越於也是時恆有小旱  
田鼠

化為鴛鵲鼠好食粟豆鴛音  
也變而之吉也拂桐芭音華也桐芭始生拂拂然也鳩布穀也春耕候  
芭鳴鳩可鴛重農者又急於桑頰冰占旱變理陰陽之事也  
三月  
○四月

昂則見初昏南門正昂南門皆星名  
鳴札札通蜚如  
罔有見杏盧諶祭法曰鳴蠲齊魯之間謂蠲為蠲鳴聒人耳  
王蒼秀王蒼王瓜也秀

花取茶秀幽爾雅檟苦茶注葉可煮羹飲早取  
者為茶晚取者為茗秀幽即秀蔓越有大旱大旱紀時也一再紀  
之憂旱之心切矣  
執陟攻駒執駒者離之去母也陟升也執

而升之君也攻駒者教之服車也南門北辰所向王  
者向明出治故特重之攻駒而頰馬政孟夏之所重也  
○五月參則見浮游有殷浮游朝生暮死殷衆也  
鳩則鳴五月

陰氣動於下博勞應陰而鳴  
時有養日養長也夏陽舉  
乃瓜始食  
良蜩音鳴  
反于珍  
之興五日翕望乃伏良蜩五采具

也五日十五日也翕合也望月之望伏入而不見也  
啟灌藍蓼啟別也灌叢生也藍  
汁可染蓼取以為黼鳩為鷹擊也  
唐蜩鳴

也初昏大火中種黍稷音門大火者心星也心中種  
黍稷糜黍稷糜時也糜赤梁粟也  
煮梅菁蘭煮梅為豆實也蘭  
菽糜王應麟本無此

脫頰馬將閑諸則頰馬分卿大夫之駒也  
或取離駒納之則法也  
○六月初昏斗柄正在上見斗柄之不正當心也  
煮桃煮桃以為豆實也  
古人燕食加豆有

桃諸梅諸未搏鳥而習其勢  
鷹始擊感秋氣之至也  
○七月秀蓳音葦  
蓳葦秀然後為蓳葦  
狸子肇肆肇始也肆遂也言其  
始遂也或曰肆殺也  
溲溲生



萃音爽死湟下處也湟下有漑而有萃也萃音秀并似著可漢案戶南河也案戶直戶也戶古寒蟬鳴似

而小至七月得風露乃鳴爽疏也潦疏即乾而萃草死初昏織女正東鄉織女星名時有霖雨灌荼霖雨時雨也灌荼也荼萑斗柄縣在下葦之秀也為將蓄之也

則旦○八月剝瓜蓄瓜也元校元黑也校者若綠色然或云夏學曰校古者仲春秋皆視學夏尚黑剝棗用元於校昭重事也疑如月令上丁習樂周官大胥秋頒樂之禮然

栗零剝取也零者零落而後取丹鳥羞白鳥丹鳥螢火也白鳥蚊也丹鳥以白鳥為珍羞不盡食也或云辰則伏鹿人丹鳥鳩也丹鳥氏司閉官名如周官羅氏獻鳩以養國老

從辰者謂心也伏入而不見也鹿籠通鹿人古山虞始從禽也鴛為鼠參中則旦○九月丙音火內火內火大火心星也周禮司燿掌行灋灋火之政令季春出火季秋內火

音鳴雁灋往也見灋而後主夫出火主夫也者主以時縱火也或云周禮司烜以夫遂陟元鳥陟升也灋灋雁數之則鴻雁也

之鳥北高於南故陟而後蟄也熊羆貉豕音斯則穴音穴也者榮鞠樹麥鞠草也榮花也鞠榮而樹麥乘時為急也王始裘辰繫於日辰大火也

九月日在大火雀入于海為蛤陽為陰所化榮鞠樹麥農事之為來歲謀者復動於秋○十月豺祭獸善其祭而後食之也初昏南門見南門星一歲再見黑

鳥浴黑鳥寒鴉也浴者羣飛乍高乍下也時有養夜養長也言若長至時之養日也元雉入于淮為蜃蜃蛤也陽不能勝陰故化也織女正北鄉則旦獵

不仁而有似於仁君子進之○十有一月王狩陳筋革冬獵為狩以省甲兵也嗇人不從嗇人農官農事未畢故不從王狩也隕麋角獵

冬至則解角○十有二月鳴弋金履祥曰弋當作鳶禽元駒賣元駒蝗也賣走於地中也或隕麋角經為飛翔則天大風元駒賣云賣音墳封以為大防也納卵蒜蒜本如卵

蓋藏無虞人入梁水虞官名主設罔罟者也隕麋角傅子俊曰蓋衍文小正一書時正令善

不謹也

汲冢周書晉太康二年汲郡人發魏安釐王冢而得之故繫之汲冢所言文王與紂之事故謂之周書先儒云六經而下求其文字近古有裨於性命道德文武政教者無踰於此書

夏小正 汲冢周書

命訓解

夫天道三人道言相方以立教天有命有福有福人有醜有緇蔽同統冕有斧鉞以人之醜當天之命以緇統當

天之福以斧鉞當天之禍

文酌解

伐有十二來信征伐之道必有此事可也一弓二矢歸射矢當可用三輪四輿歸御言御可用五鮑六魚歸蓄積以爲資七陶八冶歸

甗言甗善則陶治良也九柯十匠歸林林當作材匠以爲用十一竹十二葦歸時取之以時所以來人也

糴匡解

成年年穀足賓祭祭以盛年儉穀不足賓祭以中盛有黍稷無稻粱年飢則勤而不賓舉祭以薄用以爲性也大荒有禱

無祭舍同釋用振穹同窮君親巡方卿參告糴餘子倅運開口同食民不藏糧曰有匡餘衆也倅副也盡行此事名曰有匡也

程典解

惟三月既生魄文王合六州之侯奉勤於商二分天下有其二以服事殷也商王用宗讒震怒無疆宗衆疆境也諸侯不娛逆

諸文王文王弗忍乃作程典以命三忠娛樂也不忍從諸侯即王位所以爲至德典常也曰助余體民無小不敬如毛在躬拔之

痛無不省毛以喻小也無不省故宜敬小也

文王召太子發曰吾厚德而廣惠忠信而愛人括桂茅茨為民愛費畋漁以時童不天胎潤溼不穀樹之

竹葦莞蒲磔石不可穀樹之葛木魚鼈歸其泉鳥歸其林故諸橫生盡以養從脫一從生盡以養一丈夫

橫生萬物也從生人也一丈夫天子也言兆民養天子也有十年之積者王有五年之積者霸無一年之積者亡生十殺一者物十重

生一殺十者物頓空十重者王頓空者亡生多則重生少則空兵強勝人人強勝天勝有天命能制其有者則能制人之

有不能制其有者則人制之

柔武解

王召周公旦曰維周禁五戎五戎不禁厥民乃淫言五者不禁戎之道也勝國若化不動金鼓善戰不鬪故曰柔武

大開武解

若農之服田務耕而不耨維草其宅之既秋而不穫維禽其饗之人而獲飢云誰哀之

寤傲解

王召周公旦曰嗚呼謀泄哉今朕寤有商驚予言夢為紂所伐故驚周公曰天下不虞周驚以寤王王其敬命奉若

稽古維王虞度也監戒善敗護守勿失無虎傅翼將飛入宮擇人而食不驕不恠時乃無敵置不肖於位是為虎傅翼

武順解

天道尚左日月西移地道尚右水道東流人道尚中耳目役心

言耳目為心所役也

心有四佐不和曰廢

四佐脾腎肺肝也

地有五行不通曰惡天有四時不時曰凶吉禮左還順天以利本人

本謂人也

武禮右還順地以利兵還也將居

中軍順人以利陣

人尚中也

和寤解

王乃出圖商至於鮮原

近岐周之地也小山曰鮮

召邵公奭畢公高王曰嗚呼敬之哉無競維人人允忠惟事惟敬小

人難保王乃厲翼於尹氏八士唯固允讓

厲獎厲八士王賢臣

克殷解

周車三百五十乘陳於牧野帝辛從

迎戰也

武王使尚父與伯夫致師

挑戰也

王既以虎賁戎車馳商師商師

大敗商辛奔內登於廩臺之上屏遮而自燔於火

屏遮自障

武王乃手太白以麾諸侯太白旗名諸侯畢拜遂揖之

揖召也揖諸侯共追紂也

商庶百姓咸俟於郊

待武王於郭外也

羣賓僉進曰上天降休再拜稽首

諸侯賀武王也

武王答拜先入適

王所乃剋射之三發而後下車而擊之以輕呂

劍名

斬之以黃鉞折縣諸太白

斬絕其首

適二女之所乃既縊已

及嬖妾

王又射之三發乃右擊之以輕呂斬之以元鉞縣諸小白

旗名

乃出場於厥軍

場平治社以及宮徹宜去者宜居者居遷也



及期百夫荷素質之旗於王前素質白旗前叔振奏拜假羣臣諸侯應拜假者又陳常車威儀車也周公把大

鉞召公把小鉞以夾王夾衛王也泰顛闕天皆執輕呂以奏王王入卽位於社太卒之左太卒屯兵羣臣畢從

毛叔鄭奉明水衛叔傅禮康叔相禮召公奭贊采贊佐采事也師尙父牽牲尹逸筮曰股末孫受德紂字受德也迷先成

湯之明侮滅神祇不祀昏暴商邑百姓其章顯聞於昊天上帝武王再拜稽首乃出舊作周公從史記作武王立王子

武庚命管叔相監殷人也乃命召公釋箕子之囚命畢公衛叔出百姓之囚乃命南宮忽勿卽括振鹿臺之財巨

橋之粟振散之以施惠也乃命南宮百達史佚遷九鼎三巫地名乃命闕天封比干之墓乃命宗祝崇賓饗禱之於

軍宗祝主祀賓敬也饗祭前所禱之神宗祝舊誤作宗祀史記作命宗祝享祠於軍乃班還鎬京也

### 大聚解

武王告周公曰殷政總總亂也若風草有所積有所虛和此如何有積有虛言不平也周公曰聞之文考來遠賓廉近

者道別其陰陽之利相土地之宜水土之便營邑制命之曰大聚先誘之以四郊王親在之四郊自近始也在察也

立君子以修禮樂立小人以教用兵立祭祀與歲穀登下厚薄登下隨穀豐儉也外商資貴而來貴物益賤資賤

物出貴物以通其器夫然則關夷市平財無鬱廢商不乏資百工不失其時陂溝道路藁苴丘墳不可樹

穀者樹以材木陰聚種木春發枯槁夏發葉榮秋發實蔬冬發薪蒸以匡窮困與輯同其民力相更爲師因其

土宜以爲民資則生無之用死無傳尸傳於溝壑猶轉尸也巨聞禹之禁春三月山林不登斧以成草木之長夏三

月川澤不入網罟以成魚鼈之長且以井農力執成男女之功分地薄斂農民歸之水性歸下農民歸利

王若欲求天下民先設其利而民自至譬之若冬日之陽夏日之陰不召而民自來武王再拜曰嗚呼允

哉乃召昆吾冶而銘之金版藏府而朔之

世俘解

甲子咸劉商王紂執矢惡劉剋也矢惡臣崇侯之黨王遂追祀文王辛亥薦俘殷王鼎殷國之鼎王乃翼矢珪矢陳

也憲告天宗上帝王不革服格於廟秉語治庶國籥人九終不改祭天服以告祖宗急於語治也壬子王服袞衣矢琫格廟

癸丑薦殷俘王士百人紂之士而囚俘者王矢琫秉黃鉞執戈王奏庸大亨三終大亨獻籥奏庸擊鐘甲寅王佩赤白旂籥

人奏武王入進萬獻明明三終明明詩篇名武以干羽爲萬舞也乙卯籥人奏崇禹生開三終崇禹生開皆篇名告非一故連日有事也

武倣解

惟十有二祀四月王告夢丙辰出金枝郊寶開和細書命召周公旦立後嗣屬小子誦文及寶典

作雒解

諸侯受命於周乃建大社於國中受封也其隴東青土南赤土西白土北驪土中央欣去聲同聲以黃土將建

諸侯鑿取其方一面之土燾以黃土苴以白茅以爲土封故曰受列土於周室燾舊作苞訛燾覆也茅苴裹土封之爲社也

### 諡法解

維周公巨太公望開嗣王業建功於牧之野終將葬乃制諡遂敘諡法諡者行之迹也號者功之表也車服者位之章也是以大行受大名細行受細名行出於己名生於人

### 王會解

成周之會壇上張赤帟音陰羽王城既成大會諸侯及四夷也除地曰壇帟帳也陰鶴也以羽飾帳也天子南面立纒冕無繁露朝服八十

物搢瑋音挺繁露冕之所垂也所尊敬則有焉八十物大小所服搢插也瑋笏也唐叔荀叔周公在左唐荀國名皆成王弟故曰叔太公望在右皆纒亦無

繁露朝服七十物搢笏旁天子而立於堂上旁謂差在後也近天子故其冕亦無旒也堂下之右唐公虞公南面立焉堯舜後也堂

下之左殷公夏公立焉杞宋二公皆南面纒有繁露朝服五十物皆搢笏爲諸侯之有疾病者阼階之南祝淮

氏榮氏次之珪瓊次之皆西面彌宗旁之淮榮二祝之氏也彌宗官名次珪瓊南差在後俗本脫珪瓊次之四字今從王本爲諸侯有疾病者之

醫藥所居使儲左右召則至也相者太史魚大行人皆朝服有繁露魚太史名及大行人皆贊相賓客儀禮也堂下之東面郭叔寧爲天

子棗錄通幣焉纒有繁露郭叔號叔文王弟棗錄諸侯之幣也內臺西面正北方應侯曹叔伯舅中舅內臺中臺也應侯成王弟曹叔武王弟皆國名

爲諸侯二舅成王之舅姜兄弟也 比服次之要服次之荒服次之西方東面正北方伯父中子次之伯父姬姓之國中子王之支子方干

里之內為比服方二千里之內為要服方三千里之內為荒服是皆朝於內者此服名因於殷非周制也俗本首句內作外又二千

脫二字今堂後東北為赤帟為浴盆在其中設以敬諸侯也其西天子車立馬乘六青陰羽冕旌鶴鳥羽為旌旄也中臺

之外其右泰士臺右彌士外謂臺之東西也外臺右泰士在臺之前右彌士旁臺而立者言尊王泰彌相儀之士也泰士蓋上士彌士蓋中士下士受費者八人東面

者四人受賓幣士也東面四人則西面四人也王伯厚曰自稷慎以下其贄物二十一義渠以下二十高要以下十有四權扶以下九稷慎即肅慎也陳幣當外臺天元毘音宗

馬十二陳東帛被馬於外臺天元黑毘宗尊也毘屬也俗本作歇歇字無考王元繚璧綦十二此下二璧皆玉元繚謂以黑組紐之綦玉名有十二也俗本作碧基從王本改參方

元繚璧豹虎皮十二參方陳幣三所也璧皮兼陳四方元繚璧琬十二琬圭也有鋒銳陳之四所方列之也外臺之四隅張赤帟為諸侯

欲息者皆息焉命之曰交闔每角張帟息者隨所近也諸侯稱交也○伊尹朝獻商書言別有信者也湯問伊尹曰諸侯來獻或無

馬牛之所生而獻遠方之物事實相反不利今我欲因其地勢所有獻之必易得而不貴其為四方獻令

伊尹受命於是為四方令曰臣請正東符婁仇州伊慮漚深九夷十蠻越漚鬻音煎髮文身九者東夷蠻越之別稱鬻髮文

身因其事以名也請令以魚皮舊作文今從王本作皮之鞞疑鳥則音字鮫音賊利劍為獻鞞刀削魚名獻盾也正

南甌鄧桂國損子產里百濮九菌六者南蠻之別名請令以珠璣璫音瑁象齒文犀翠羽菌鶴短狗為獻璣似珠而

小璫璣龜屬菌鶴可用為旌短狗狗之善者也唐蘭州昭仁寺碑云豈止菌鶴短狗西鯨東鱧之貢而已哉正用此文正西昆侖狗國鬼親枳已闔耳貫胸雕題離

巨漆齒九者西戎之別名也闔耳貫胸請令以丹青白旄紕屬計江歷龍角神龜為獻屬織毛為之江歷雕題漆齒亦因其事以名之也請令以丹青白旄紕屬計江歷龍角神龜為獻珠名龍解角故得



正北空同大夏莎車姑他旦略豹胡代翟例奴樓煩月氏熾通犁其龍東胡之別名也請令以橐駝

同白玉野馬駒音餘音陶馬徒駃騠良弓為獻湯曰善

周書序書自度訓至於器服凡七十解自敘其後為一篇若書之有小序同

昔在文王商紂並立困於虐政將宏道以弼無道作度訓殷人作教民不知極將明道極以移其俗作命

訓紂作淫亂民散無性習常舊作冒常訛案此六字中疑尙脫二字文王惠和化服之作常訓惠和舊作意和訛案左氏傳云紂作淫虐文王惠和正與

此文同上失其道民散無紀西伯修仁明恥示教作文酌上失其道民失其業凶年作糴匡文王立

西距昆夷北備獫狁謀武以昭威懷作武稱武以禁暴文以綏德大聖允兼作允文武有七德王作大

武大明武小明武三篇所脫疑不止一字俗本作文王非穆王遭大荒謀救患分災作大匡穆王當作文王豈穆考亦可稱穆王與此下有脫簡詩正

義云周書稱文王在程作程寤程典當在此

文王唯庶邦之多難論典以匡謬作劉法文王卿士驗發教禁戒作文開維美公命於文王修身觀天以

謀商難作保開作舊文王訓乎武王以繁害之戒作八繁文王在鄂命周公謀商難作鄂保文啟謀乎後

嗣以修身敬戒作大開小開二篇文王有疾告武王以民之多變作文儆文王告武王以序德之行作文

傳文王既沒武王嗣位告周公禁五戎作柔武戎舊訛戒從趙改武王息商周公勤天下作大小開武二篇作舊

武王評周公維道以為寶作寶典商謀啟乎周周人將興師以承之作酆謀武王將起師伐商寤有商傲

作寤傲周將伐商順天革命申喻武義以訓乎民作武順武穆二篇武王將行大事乎商郊乃明德

作和寤武寤二篇武王率六州之兵車三百五十乘以滅殷作尅殷武王既尅商既舊建三監以救其民

為之訓範此有脫簡作大聚此有脫簡武王既釋箕子囚俾民

辟甯之以王作箕子武王秉天下論德施而位以官作考德篇內作考德武王命商王之諸侯綏定厥邦

申義告之作商誓武王平商維定保天室規擬伊洛作度邑武王有疾此有脫簡

周公輔小子告以正要作五權武王既沒成王元年周公忌商之孽訓敬命作成開周公既誅三監乃述

武王之志建都伊洛作洛周公會羣臣於閔門以輔主之格言作皇門周公陳武王之言以贊己言戒

乎成王作大戒周公正三統之義作周月辯二十四氣之應以明天時作時訓周公制十二月賦政之法

作月令周公肇制文王之諡義以垂於後作諡法前編肇作啓訛周公將致政成王朝諸侯於明堂作明堂成王

既即政因嘗麥以語羣臣而求助作嘗麥周公為太師告成王以五則作本典五則疑當作五明成王訪周公以

民事周公陳六徵以觀察之作官人舊脫徵字於王以五之下今移此周室既甯八方會同各以其職來獻欲垂法厥後

作王會王伯厚本無其字又後作世周公云歿王制將衰穆王因祭祖不豫詢某守位作祭公某當與謀同穆王思保位惟

難恐貽世羞欲自警悟作史記王化雖弛天命方永四夷八蠻攸尊王政作職方芮伯稽古作訓納王於

善暨執政小臣咸省厥躬作芮良夫晉侯尚力侵我王略叔向聞儲幼而果賢復王位作太子晉王者

德以飾躬用為所佩作王佩王者本或作玉者訛舊脫作王佩三字今補夏多罪湯將放之徵前事以戒後王也作殷祝趙云將字

衍民非后罔父后非民罔與為邦慎政在微作周祝武以靖亂非直不尅作武紀積習生常不可不慎作

銓法車服制度明不苟踰作器服明本一作民周道於是乎大備篇中字畫悉照盧本

武王踐阼記真西山云阼者君之階故人君即位謂之踐阼

武王踐阼三日召師尚父問黃帝顓頊之道師尚父曰在丹書王伯厚集解云有周盛時大訓在西序河圖在東序三皇五帝之書外史掌之丹書

蓋前聖傳心要典也王欲聞之則齊矣三日王端冕師尚父亦端冕奉書而入負屏而立王下堂南面而立師尚父

曰先王之道不北面王行西折而南東面而立師尚父西面道書之言曰敬勝怠者吉怠勝敬者滅義勝

欲者從欲勝義者凶凡事不强則枉弗敬則不正枉者滅廢敬者萬世且臣聞之以仁得之以仁守之其

量百世以不仁得之以仁守之其量十世以不仁得之以不仁守之必及其世謂止於其身也王聞書之言惕若

恐懼退而為戒書席前左端之銘曰安樂必敬安不忘危前右端之銘曰無行可悔當恭敬朝夕故以懷安為悔也後左端之

銘曰一反一側亦不可以忘言雖反側之間不可以忘道也後右端之銘曰所監不遠視邇所代周監不遠近在有殷之世机之銘曰

波家周書 踐阼記 鬻子

皇皇惟敬口生喏侯上聾聵也言為君子榮辱之主可不慎乎口戕口言口能害口也机者人君出令所依故以言語為戒也鑑之銘曰見爾前慮爾後

盥盤之銘曰與其溺於人也甯溺於淵溺於淵猶可游也溺於人不可救也楹之銘曰毋曰胡殘其禍將

然毋曰胡害其禍將大毋曰胡傷其禍將長夫為室者慎其楹君天下者難其相也杖之銘曰惡平聲乎危於忿惡於何也忿者危之

道怒甲及乙又危之甚杖危故以危戒也惡乎失道於嗜慾杖依道而行之惡乎相忘於富貴言身杖相資也因失道相忘乃嗜慾安樂之戒也帶之銘曰火

滅修容慎戒必蒸蒸則壽雖夜解怠其容不可以苟帶於寢先釋故因言之也屨履之銘曰慎之勞勞則富行慎躬勞躬勞終福觴豆之銘曰

食自杖食自杖戒之僑通僑則逃無求醉飽自杖而已戶之銘曰夫名難得而易失無勸弗志而曰我知之乎無勸

弗及而曰我杖之乎志識也杖立不能懲其驚怠而自謂杖成功無可就故終失其名也擾阻以泥之若風將至必先搖搖搖搖無所託言有風雨則先困

雖有聖人不能為謀也論人行亦然牖之銘曰隨天之時隨任也以地之財質也敬祀皇天敬以先時朱子云闕下齋祭之處先

時先祭而敬齋劍之銘曰帶之以為服動必行德行德則興倍德則崩以順誅也弓之銘曰屈伸之義廢興之行無忘

自過言得時也矛之銘曰造矛造矛少閒弗忍終身之羞重言造矛見造矛之不易也言少閒之不忍則為終身羞以君子於殺之中禮恕存焉予一人

所聞以戒後世子孫

鬻子鬻子名熊周文王之師也周封為楚祖著書曰鬻子遭秦火故多殘缺王鳳洲曰鬻子為諸子之首文王為聖德之宗熊為文王之師書乃政教之體雖篇軸殘缺紀綱猶備焉

君子之謀能必用道不能必見受能必忠不能必入能必信不能必見信君子非人者不出之於辭而施

之於行故非非者行是惡惡者行善非人之非者自行其是惡人之惡者自行其善而道諭矣行善以改惡顯是而明非不求所以知而道自明也○玉者

取吏不忘必使民唱然後和去聲民者吏之程也察吏於民然後隨程法式也聖主不違人以獨用民者至卑也而使之取

吏焉必取所愛故十人愛之則十人之吏也百人愛之則百人之吏也千人愛之則千人之吏也萬人愛

之則萬人之吏也故萬人之吏撰卿相矣卿相者諸侯之丞也故封侯之士秩出焉卿相君侯之本也○

禹之治天下也得臯陶杜業既子施黯季甯然堪輕玉七大夫佐而天下治○禹之治天下也以五聲聽

欲百姓救人主之過故懸五聲招之以聽政也門懸鐘鼓鐸磬而置鞀以得天下之士為銘於篋籥曰懸五聲之具教寡人以道

者擊鼓教寡人以義者擊鐘教寡人以事者振鐸告寡人以憂者擊磬語寡人以獄訟者揮鞀此之謂五

聲是以禹嘗一饋而十起日中而不暇飽食曰吾猶恐四海之士留於道路是以禹當朝廷間也可以羅

爵聽政不疲朝廷問靜而無事也○湯之治天下也得慶輔伊尹涅里且東門虛南門嬾而寬切西門疵北門側七大夫佐

而天下治二十七世相承二積歲五百七十六歲至紂夏曰○聖人在上賢士百里而有一人則猶無有

也王道衰微暴亂在上賢士千里而有一人則猶比肩也○周公曰吾聞之於政知善不為者狂知惡不

改者惑夫狂與惑者聖王之戒也○發教施令為天下福者謂之道上下相親謂之和不求而得所欲謂

之信即日出而作日入而息帝力何有也除去天下之害謂之仁仁與信和與道帝王之器凡萬物皆有器故欲有為不行

經 余公 賈 卷二 管子 管子

其器者雖欲有為不成諸侯之欲者亦然不用帝王之器者不成

管子管夷吾穎上人也其書本真蓋無幾以其學既離道而趨於術則凡近似而有所開闢者皆得以類相從而無暇深辨焉耳

凡有地牧民者務在四時守在倉廩國多財則遠者來地辟舉則民留處舉盡也言地盡關則人留而處之也倉廩實則知

禮節衣食足則知榮辱上服度則六親固服行也上行禮度則六親各得其所故恩義固結六親謂父母兄弟妻子四維張則君令行禮義廉恥四維

也四維不張國乃滅亡○錯國於不傾之地者授有德也積於不涸之倉者務五穀也藏於不竭之府者

養桑麻育六畜也下令於流水之源者令順民心也使民於不爭之官者使各為其所長也各長其所長則順而悅

明必死之路者嚴刑罰也開必得之門者信慶賞也不為不可成者量民力也不求不可得者不强民以

其所惡也不處不可久者不偷取一世也不行不可獲者不欺其民也○野與市爭民家與府爭貨金與

粟爭貴鄉與朝爭治故野不積草農事先也府不積貨藏於民也市不成肆家用足也朝不合眾鄉分治

也○一年之計莫如樹穀十年之計莫如樹木終身之計莫如樹人一樹一穫者穀也一樹十穫者木也

一樹百穫者人也○舉所美必觀其所終廢所惡必計其所窮蜂蠱有毒困獸猶鬪用財嗇則費嗇於賞賜則立功之士懈怠敵人來

侵其費更多用力苦則勞民不足令乃辱民苦殃令不行植固不動倚邪乃恐倚解作奇即周官比長職所謂奇委蓋邪惡之人也倚革

邪化令往民移○天地苴子餘萬物故曰萬物之橐直裏萬物在天地之中故為橐也釜鼓滿則人概之人滿則天概之



故先王不滿也○山林雖廣草木雖美禁發必有時國雖充盈金玉雖多宮室必有度江海雖廣池澤雖

博魚鼈雖多罔罟必有正非私草木愛魚鼈也惡廢民於生穀也故曰先王之禁山澤之作者博民於生

穀也彼民非穀不食穀非地不生地非民不動民非作力毋以致財是故主上用財毋已是民用力毋休

也○君之置其儀也不一則下之倍法而立私理者必多矣是以人用其私廢上之制而道其所聞故下

與官列法而上與君分威言此用私之人自立一法下與守法之官並陳法上與制法之君並操權也○不法法則事毋常法不法則令不行

不設法以法下故事毋常雖復設法不得法之宜故令不行令而不行則令不法也法而不行則修令者不審也○求必欲得禁必欲

止令必欲行求多者其得寡無厭則難供禁多者其止寡法令滋章盜賊多有求而不得則威日損禁而

不止則刑罰侮令而不行則下陵上故未有能多求而多得者也未有能多禁而多止者也未有能多令

而多行者也○桓公踐位使魯殺子糾齊使至魯乃遂束縛房人管仲與召忽忽曰吾不蚤死令子相齊

之左必令忽相齊之右雖然殺君而用吾身是再辱我也子為生臣忽為死臣忽也知得萬乘之政而死

公子糾可謂有死臣矣子生而霸諸侯公子糾可謂有生臣矣死者成行生者成名不兩立行不虛至

子其勉之入齊境自刎而死管仲遂入君子聞之曰召忽之死也賢其生也管仲之生也賢其死也○地

大而不為命曰土滿人眾而不理命曰人滿兵威而不止命曰武滿三滿而不止國非其國也○思之思

之又重思之思之而不通鬼神將通之非鬼神之力也精氣之極也○如天雨然澤下尺生上尺澤從上降潤有

一尺則苗從下生上引一尺○夫民別而聽之則愚合而聽之則聖雖有湯武之德復合於市人之言是以明君順人

心安情性而發於衆心之所聚○管仲病對桓公曰臣願君之遠易牙豎刁堂巫公子開方夫易牙以調

和事公烝其首子而獻之公於子之不愛將何有於公豎刁自刑而為公治內於身之不愛將何有於公

開方事公十五年不歸視其親臣聞之務為不久蓋虛不長其生不長者其死必不終管仲死期年四子

圍公一室不得出一婦人從竄入公曰我飢欲食渴欲飲婦對曰彼四人分齊國途十日不通食將不得

矣公曰嗟乎死者若有知吾何面目見仲父於地下乃援素幘音以裹首而絕死十一日蟲出於戶乃知

公之死葬以楊門之扇○堯之治天下也猶墮之在堦音墮水和土也唯陶之所以為猶金之在鑪冶之所以

鑄○魚鼈之不食呬音者不出其淵樹木之勝霜雪者不聽於天士能自治者不從聖人不從聖人求之也○善

氣迎人親於弟兄惡氣迎人害於戎兵不言之聲疾於雷鼓謂以德感物者也○桓公既霸會諸侯於葵丘而欲

封禪管仲曰古者封泰山禪梁父者七十二家皆受命然後得封禪桓公曰寡人北伐山戎過孤竹西伐

大夏涉流沙束馬懸車上卑耳之山南伐至召陵登熊耳以望江漢諸侯莫違我昔三代受命亦何以異

乎管仲曰古之封禪通鎬上之黍北里之禾所以為盛江淮之間一茅三脊所以為藉也物有不召而自

至者今鳳麟不來而蓬蒿秀茂鷓臯數至而欲封禪毋乃不可乎桓公乃止○夫爲國之本得天之時而

爲經得人心而爲紀法令爲維綱吏爲網罟什伍以爲行列賞誅爲文武繕農具當器械耕農當攻戰

耕農之不怠若推引鈹音挑耨以當劍戟用鈹耨者必推引之若劍戟擊刺被蓑以當鎧開上鑄音鑄須苴笠以當盾櫓故耕器

具則戰器備農事習則攻戰巧矣○國多私勇者其兵弱更多私智者其法亂民多私利者其國貧夫善

牧民者非以城郭也輔之以什謂什伍之長司之以伍伍無非其人伍長亦選能者爲之也人無非其里無客寄也里無非其

家古者聚族而居里中多同姓也故奔亡者無所匿遷徙者無所容○管仲曰人有非上之所過謂之正士內於噴室之

議謂議論者言語譴噴請以東郭牙爲之此人能以正事爭於君前者也○毀訾音子賢者之謂訾推譽不肖之謂譽

音衛訾譽之人得用則人主之明蔽○與人交多詐僞無情實謂之烏集之交初雖相驩後必相咄○蔡末

作止奇巧而利農事今爲末作奇巧者一日作而五日食取一日之利可供五日農夫終歲之作不足以自食也然

則民舍本事而務末作則田荒而國貧矣凡農者月不足而歲有餘者也○管子曰春事二十五日之內

日至六十日而陽凍釋七十日而陰凍釋陰凍釋而藝稷百日不藝稷故春事二十五日之內耳也陽凍地上

也陰凍地下也農夫種黍稷祇在自此以後二十五日之內更過五日爲百日則爲失時不可以種稷矣今君立扶臺五衢之衆皆作民失其二十五日則五

衢之內阻棄之地也起一人之繇百畝不舉起十人之繇千畝不舉起百人之繇萬畝不舉起千人之繇

十萬畝不舉○利出於一凡者慶賀威刑皆是其國無敵出二孔者其兵不誦出三孔者不可以舉兵出四孔者

其國必亡○宮室器械非山無所仰然後君立三等之租於山曰握以下者為柴楂詐平把以上者為室

奉三園以上為棺槨之奉柴楂租若干室奉租若干棺槨租若干○凡聽微如負豕豬覺而駭凡聽羽如

馬鳴野凡聽宮如牛鳴音溜中凡聽商如離羣羊凡聽角如雉登木以鳴音疾以清○桓公曰欲西朝天

子而賀獻不足管子曰請以令城陰里地名使其牆三重而門九襲欲其事密因使玉人刻石而為璧管子西見

天子曰請以令使天下諸侯不以彤弓石璧者不得入朝天子許諾天下諸侯載黃金珠玉五穀文采布

帛輸齊以收石璧故國八歲而無籍陰里之謀也○管子曰江淮之間有一茅而三脊名曰菁茅請使天

子之吏環封而守之夫天子封於泰山禪於梁父號令諸侯日必抱菁茅一束以為禪藉不如令者不得

從天子江淮之菁茅坐長十倍其價一束百金故天子三日即位天下之金四流而歸周若流水七年不

求賀獻者菁茅之謀也○桓公曰吾何以為國管子曰推官山海而可耳海王之國謹正鹽筴策通海王言以負海

之利而王其國正稅也十口之家十人食鹽百口之家百人食鹽終月大男食鹽五升少半少半猶劣薄也大女食鹽三升

少半吾子食鹽二升少半吾子謂小男小女也此其大厯也厯數鐵官之數一女必有一鍼一刀耕者必有一耒一

耜一鈹行服連輦輶居玉者必有一斤一鋸一錐一鑿不爾而成事者天下無有公曰國無山海不王

乎曰因人之山海假之名有海之國雖無海而假名有海雖無山而假名有山也售鹽於吾國彼國有鹽而糶於吾國為售耳釜十五吾受

取而官出之以百張榜云百錢一釜吾以百五十收而受之既得彼鹽又以二百賣而出之我未與其本事也與用也本受人之事以重相推

推度也加此人用之數也彼人所有而地之東西二萬八千里南北二萬六千里其出水者八千里受

水者八千里出銅之山四百六十七山出鐵之山三千六百九山○上農挾五中農挾四下農挾三上女

衣五中女衣四下女衣三農有常業女有常事一農不耕民有為之飢者一女不織民有為之寒者

老子道德經姓李名耳字伯陽號曰聃楚苦縣人事周為藏室史孔子嘗問禮焉周襄西遊將出散關關令尹喜強為著書乃著道德五千言

道可道謂經術政非常道非自然長名可名謂富貴尊非常名非自然常天地之始無名者為道道無形故不可名

也始者道之本也吐氣布化出於虛無為天地本始有名萬物之母有名謂天地合氣生萬物長大成熟如母之養子故常無欲以觀其妙妙微之極也人能無欲則可以

觀始物之妙常有欲以觀其徼音教即邊徼之徼究竟之謂言物之盡處也此兩者同出而異名兩者有欲無欲也同出於心而所名各異也同謂之元

元天也言同元之又元天中復有天也稟氣得中和則生聖賢得錯亂則生貪淫也眾妙之門能知稟氣有厚薄而除情去欲是謂知道要之門戶也○不尚賢

使民不爭不貴難得之貨使民不為盜不見可欲使民心不亂按此句各本俱無民字惟永樂大典有之今校補○天地之間其

猶橐籥乎虛而不屈動而愈出橐排橐也籥樂籥也橐籥之外空洞無為故虛而不得窮屈動而不可竭盡也多言數窮不如守中天長地久天

地所以能長且久者以其不自生故能長生自生則與物爭不自生則物歸也是以聖人後其身而身先外其身而身存

管子 老子

非以其無私耶故能成其私無私者無為於身也身先○上善若水水善利萬物而不爭處眾人之所惡

卑也故幾於道道無水有故曰幾也○持而盈之不如其已既不失德又盈之勢必傾揣而銳之不可長保既揣未

銳之令利勢必摧刃故不可長保也金玉滿堂莫之能守不若富貴而驕自遺其咎功遂身退天之道四時更運○眾人熙

熙淫放多如享太牢如飢思太如春登臺春陰陽交通萬物感動我獨泊兮其未兆泊別本作怕今依王

別本異者悉從王氏本如嬰兒之未孩廓然無形之可儻儻音墨懶兮若無所歸眾人皆有餘而我獨若遺俗人昭

昭我獨昏昏俗人察察我獨悶悶澹兮其若海情不留兮若無止無所眾人皆有以以用也皆欲而我

獨頑似鄙無所欲若我獨異於人而貴食母食母生之本也人皆棄生民之本貴末飾之華故曰異於人

皆取實己獨取虛無藏也故有餘得其解矣○希言自然聽之不聞名曰希故飄風不終朝驟雨不終日孰為此者天地天地

尚不能久而況於人乎○道大天大地大王亦大天地之生人為貴域中有四大而王居其一為人法地

人常法地安地法天天澹泊不動道清靜不言陰行道法自然道性自然○知其雄守其雌為天

下谿雄以喻尊雌以喻卑人雖知自尊顯當復守之為天下谿常德不離復歸於嬰克知其白守其黑為

天下式人雖自知昭昭明白當復守之以默為天下式常德不忒復歸於無極知其榮守其辱為天下

谷知己之有榮貴當守之以汙濁如為天下谷常德乃足復歸於樸○以道佐人主者不以兵強天下況



主躬於其事好還為治者務欲立功生事而師之所處荆棘生焉大軍之後必有凶年言師凶害之物也

道者乎有道者務欲還反無為○夫佳兵者不祥之器佳喜也兵者不善人之器也物或惡之故有道者不處有道之人君子居則貴左弱也用兵

則貴右貴剛強也兵者不祥之器非君子之器不得已而用之恬澹為上不貪勝而不美土地勝而不美雖得勝而不以為利己也而美之

者是樂殺人樂殺人者則不可以得志於天下矣吉事尚左左主位凶事尚右陰道殺人偏將軍居左上將軍居

右言以喪禮處之殺人之眾以哀悲泣之戰勝以喪禮處之邵康節曰是聖賢之盛德湯武之用心取天下第一義○將欲喻之必

固張之將欲弱之必固強之將欲廢之必固興之將欲奪之必固與之是謂微明柔弱勝剛強魚不可脫

於淵國之利器不可以示人利器利國之器也唯因物之性不假刑以理物器不可觀而物各得其所示人者在刑也魚脫於淵則必見失矣利國器而立刑以示人亦必失也○

上德不德是以有德下德不失德是以無德上德無為而無以為下德為之而有以為○昔之得一者昔始

也一數之始而物之極也天得一以清地得一以甯神得一以靈谷得一以盈萬物得一以生侯王得一以為天下貞

故貴以賤為本高以下為基是以侯王自謂孤寡不穀此非以賤為本耶○上士聞道勤而行之中士聞

道若存若亡下士聞道大笑之不笑不足以為道王鳳洲曰老子之道柔弱謙退下士之所笑也○名與身孰親尙名好高身其必疏

貨孰親貪貨無厭其身必亡得與亡孰病得多利而亡其身何者為病也是故甚愛必大費多藏必厚亡甚愛不與物通多藏不與物散求者多攻者衆故大

費厚知足不辱知止不殆可以長久○大成若缺其用不弊隨物而成不為一象大盈若沖其用不窮隨物而與大

亡也無所愛矜

直若屈大巧若拙大辯若訥躁勝寒靜勝熱清靜為天下正躁罷然後勝寒靜無為以勝熱以此推之則清靜為天下正矣○天下有道

却走馬以糞知足知止無求於外各修其內而已故卻走馬以治田糞也天下無道戎馬生於郊貪欲無厭各求其外故戎馬生於郊也禍莫大於不知

足咎莫大於欲得故知足之足常足矣○不出戶知天下不闕矚見天道其出彌遠其知彌少如其知之不須出戶

若其不知出愈遠愈迷也○為學日益務欲進其所能益其所習為道日損務欲反虛無也損之又損以至於無為無為而無不為有所為則有所失

故無為乃無所不為也○萬物莫不尊道而貴德道者物之所由也德者物之所得也道之尊德之貴夫莫之命而常自然故道生之

德蓄之長之育之亭之毒之養之覆之謂成其實各得其庇陰不傷其體也○知者不言因自然也言者不知造事也塞其兌閉其

門兌事欲之所由生門事欲之所由從也挫其銳解其紛和其光同其塵是謂玄同○以正治國以奇用兵以無事取天下

人多伎巧奇物滋起法令滋彰盜賊多有故聖人云我無為而民自化我好靜而民自正我無事而民自

富我無欲而民自樸我無徭役征召之事民安其業而自富我之所欲惟無欲而民亦無欲而自樸也此四者崇本以息末也羅一峰曰此四語胡文定公服其為至論○其政悶

悶其民漶漶無形無名無事無政可舉悶悶然卒至於大治其民無所爭競寬大漶漶其政察察其民缺缺立刑名明賞罰以檢姦偽故曰察察殊類分析民懷爭競故曰缺缺

禍兮福之所倚福兮禍之所伏孰知其極其無正邪是以聖人方而不割舍去其邪不割以方割物也廉而不劌廉清廉也劌傷

也不以清廉劌傷於物也直而不肆以直導物而不以直激沸於物也光而不耀以光鑑其所以迷不以光照求其隱慝也○治大國若烹小鮮不擾也以道

莅天下其鬼不神非其鬼不神其神不傷人物守自然則神無所加不知神之為神也非其神不傷人聖人亦不傷人道治則聖人亦

不傷人不知○爲無爲事無事味無味  
以無爲爲居以不言爲教  
大小多少報怨以德小怨則不足以報  
聖之爲聖也以恬澹爲味治之極也  
大怨則天下之所

欲誅順天下之所同者德也  
○圖難於其易爲大於其細天下難事必作於易天下大事必作於細是以聖人終不爲

大故能成其大夫輕諾必寡信多易必多難是以聖人猶難之○其安易持其未兆易謀治身治國安靜者易守持也情

欲禍患未有形其脆易破禍亂未動情欲未見如脆弱易除破其微易散其未彰著微小易散去也爲之於未有治之於未亂合抱之木

兆時易謀正也見如脆弱易除破其微易散其未彰著微小易散去也爲之於未有治之於未亂合抱之木

生於毫末九層之臺起於累土千里之行始於足下聖人無爲故無敗無執故無失民之從事常於幾成

而敗之貪位好名奢泰盈滿而自敗也慎終始則無敗事○古之善爲道者非以明民將以愚之明謂多見巧詐蔽其樸也愚謂無知守貞

順自然也民之難治以其智多多智巧詐故難治也故以智治國國之賊以智術動民邪心既動復巧術防民之僞民知術防隨而避之思維密巧奸僞益滋故曰國之

賊不以智治國國之福○江海所以能爲百谷王者以其善下之故能爲百谷王是以欲上民必以言下

之欲先民必以身後之○吾言甚易知甚易行天下莫能知莫能行言有宗事有君宗萬物之宗君萬物之主夫唯無

知是以不我知有知之人不知得不知之也知我者希則我者貴唯深故知之者希也知我益希我亦無匹是以聖人被褐懷玉被褐者同其塵懷玉者寶

其真故難知而爲貴也○天之道不爭而善勝不言而善應不召而自來音闡然而善謀天網恢恢疎而不失○常

有司殺者殺爲逆順者之所惡忿也不仁者人之所疾也故曰常有司殺也夫代司殺者殺是謂代大匠斲夫代大匠斲者希有不傷其

手矣○弱之勝強柔之勝剛天下莫不知莫能行是以聖人云受國之垢是謂社稷主受國不祥是爲天

經 老子道德經 吳子春秋

下王○小國寡民小國尙可使反古泥大國乎使有什伯之器而不用雖有什伯之器而無所用何患不足也使民重死而不遠徙雖有

舟輿無所乘之雖有甲兵無所陳之使人復結繩而用之甘其食美其服安其居樂其俗鄰國相望雞犬

之聲相聞民至老死不相往來此老子於書終自言其所志○信言不美實在質也美言不信本在樸也善者不辯辯者不善知

者不博極在任物而已博者不知聖人不積唯善是與既以爲人已愈有物所尊也既以與人已愈多物所歸也天之道利而

不害動常生成之也聖人之道爲而不爭順天之利不相傷也

晏子春秋晏平仲萊人也博開強記通於古今事齊靈公莊公景公以節儉力行盡忠極諫爲書六篇齊人重之

景公遊於麥丘問其封人曰年幾何矣對曰八十五矣公曰壽哉子其祝我封人曰使君無得罪於民公

曰誠有民得罪於君安有君得罪於民者乎晏子諫曰君過矣彼賤者有罪貴者治之君得罪於民誰將

治之敢問桀紂君誅乎民誅乎於是賜封人以麥丘邑○景公爲長庾音來長庾臺名將美之風雨作公與晏子

飲酒酣晏子作歌曰穗兮不得穫秋風至兮殫零落風雨之不殺也太上之靡敝也歌終顧而流涕公止

之曰是寡人之過也遂罷役○晉平公欲伐齊使范昭往觀焉景公賜之酒酣范昭曰願請君之樽酌公

曰酌進已飲晏子曰徹樽更之范昭起謂太師曰能爲我調成周之樂乎太師曰不習范昭歸以告曰齊

未可伐也臣欲試其君晏子識之臣欲伐其禮太師知之孔子聞之曰夫不出於樽俎之間而知千里之

外晏子之謂也可謂折衝矣而太師其與焉○景公問求賢晏子對曰通則視其所舉窮則視其所不爲富則視其所不取夫上士難進而易退也其次易進易退也其下易進難退也以此數物者取人其可乎○景公使吏致千金晏子再拜辭曰臣君之賜澤覆三族延及交遊以振百姓君之賜也厚矣夫厚取之君而施之民是臣代君君民也忠臣不爲也厚取之君而不施於民是爲筐篋之藏也仁人不爲也進取於君退得罪於士是爲宰藏也知者不爲也景公曰昔先君桓公以書社五百封管仲不辭子辭之何也晏子曰嬰聞之聖人千慮必有一失愚人千慮必有一得意者仲之失而嬰之得耶故不敢受命○景公問曰忠臣之事君也何若晏子對曰一心可以事百君三心不可以事一君故三君之心非一也而嬰之心非三心也○景公遊於牛山北臨其國而流涕曰若何去此死乎艾孔梁丘據皆從而泣晏子獨笑於旁公曰子之獨笑何也晏子對曰使賢者常守之則太公桓公將常守之矣使勇者常守之則莊公靈公將常守之矣數君者將守之則吾君安得此位而立焉以其迭處之迭去之至於君也而獨爲之流涕是不仁也不仁之君見一諂諛之臣見二此臣之所以獨竊笑也○晏子使吳行人曰天子請見晏子蹙然行人又曰天子請見晏子蹙然又曰天子請見晏子蹙然者三曰臣受命敝邑之君將使於吳王之所不敏而迷惑入於天子之朝敢問吳王惡乎存然後吳王曰夫差請見見之以諸侯之禮○晏子將至楚王

曰晏嬰齊之習辭者吾欲辱之晏子至王賜晏子酒酒酣吏二縛一人詣王王曰縛者曷爲者也對曰齊人也坐盜王視晏子曰齊人固善盜乎晏子曰嬰聞之橘生淮南則爲橘生淮北則爲枳所以然者何水土異也今民生長於齊不盜入楚則盜得無楚之水土使民善盜邪王笑曰聖人非所與嬖也寡人反取病焉

孔氏家語 家語者卿士大夫及弟子對問言語其正實而切事者爲論語其餘名曰孔子家語

相魯

孔子初仕爲中都宰制爲養生送死之節長幼異食男女別塗路無拾遺器不彫僞行之一年四方則焉定公以爲司空乃別五土之性 五土山林川澤丘陵墳衍原隰也 爲大司寇設法而不用無奸民○孔子之爲政三月鬻牛馬者不儲價賣羔豚者不加飾男女別其塗四方客至皆如歸焉

始誅

孔子爲魯司寇七日而誅亂政大夫少正卯於兩觀之下子貢進曰夫少正卯魯之聞人也今夫子爲政而始誅之或者爲失乎孔子曰天下有大惡者五而竊盜不與焉心逆而險行僻而堅言僞而辯記醜而博順非而澤此五者有一於人則不免君子之誅而少正卯兼有之此乃人之奸雄不可以不除詩曰憂



心悄悄愠於羣小小人成羣斯足憂矣

### 致思

孔子北遊於農山子路子貢顏淵侍側孔子四望喟然而歎曰於斯致思無所不至矣

言思無所不至也

一三子

各言爾志吾將擇焉子路進曰由願得白羽若月赤羽若日鐘鼓之音上震於天旂旗纒紛下蟠

蟠委也

地由當一隊而敵之必也壤地千里寧旗執誠唯由能之使二子者從我焉夫子曰勇哉子貢進曰賜願

使齊楚合戰於滌澆之野

廣大也

兩壘相望塵埃相接挺刃交兵賜著縞衣白冠

兵凶事故白冠服也

陳說其間推論

利害釋二國之患唯賜能之使夫二子者從我焉夫子曰辯哉顏回曰回聞薰蕕不同器而藏堯桀不共

國而治以其類異也回願得明王聖主輔相之數其五教導之以禮樂使民城郭不修溝池不越鑄劍戟

以爲農器放牛馬於原藪室家無離曠之思千歲無戰鬥之患則由無所施其勇而賜無所用其辯矣夫

子凜然曰美哉德也子路抗手而對曰夫子何選焉孔子曰不傷財不害民不繁詞則顏氏之子有矣○

季羔爲衛士師則人之足俄而衛有蒯瞶之亂季羔逃之走郭門則者守門焉謂季羔曰彼有缺季羔曰

君子不踰又曰彼有竇季羔曰君子不隧又曰於此有室季羔乃入焉既而追者罷季羔謂則者曰吾不

能虧主之法而親則子之足今吾在難而逃我者三何哉則者曰曩者君治臣以法令先人後臣欲臣之

免也臣知之獄決罪定臨當論刑君愀然不樂見君顏色臣又知之君豈私臣哉天生君子其道固然此

臣之所以悅君也孔子聞之曰善哉為吏其用法一也思仁恕則樹德加嚴暴則樹怨公以行之其子羔

乎○孔子適齊中路聞哭者之聲其音甚哀孔子下車追而問曰子何哭之悲也丘吾子曰吾有三失晚

而自覺悔之何及吾少時好學周徧天下後遭喪吾親是一失也長事齊君君驕奢失士臣節不遂是二

失也吾生平厚交而今皆離絕是三失也夫樹欲靜而風不停子欲養而親不待往而不來者年也不可

再見者親也請從此辭遂投水而死孔子曰小子識之斯足為戒矣自是弟子辭歸養親者十有三○子

路見於孔子曰負重涉遠不擇地而休家貧親老不擇祿而仕昔者由也事二親之時常食藜藿之實為

親負米百里之外親歿之後南遊於楚從車百乘積粟萬鍾累茵而坐列鼎而食願欲食藜藿為親負米

不可復得也枯魚銜索幾何不蠹二親之壽忽若過隙孔子曰由也事親可謂生事盡力死事盡忠者也

○孔子之鄉遭程子於塗傾蓋駐車也而語終日甚相親顧謂子路曰取束帛以贈先生子路屑然對曰由

聞之士不中間見中間謂紹介也女嫁無媒君子不以交禮也孔子曰由詩不云乎有美一人清揚婉兮邂逅相

遇適吾願兮今程子天下賢士也小子行之○孔子自衛反魯息駕於河梁而觀焉有懸水三十仞八尺曰仞

懸二十四丈者也圍流九十里圍流回水也水深急則然魚鼈不能導鼃鼃不能居有一丈夫不以措意遂渡而出孔子問之

曰巧乎有道術乎丈夫對曰始吾之入也先以忠信及吾之出也又從以忠信忠信措吾軀於波流而吾不敢以用私所以能入而復出也孔子謂弟子曰二三子識之水且猶可以忠信成身親之而況於人乎○楚昭王渡江江中有物大如斗圓而赤直觸王舟王大怪之使使聘於魯問於孔子子曰此所謂萍實者也可剖而食之吉祥也唯霸者爲能獲焉使者反王遂食之大美使來以告魯大夫大夫因子游問曰夫子何以知其然曰吾昔之鄭過乎陳之野聞童謠曰楚王渡江得萍實大如斗赤如日剖而食之甜如蜜此是楚王之應也吾是以知之

### 三怨

孔子觀於魯桓公之廟有欵器焉欵傾也孔子問守廟者對曰此蓋爲宥坐之器孔子曰吾聞宥坐之器虛則欵中則正滿則覆顧謂弟子曰試注水焉乃注之水中則正滿則覆孔子歎曰夫物惡有滿而不覆哉○子路問曰有人於此被褐而懷玉何如子曰國無道隱之可也國有道則衰冕而執玉

### 好生

孔子曰吾於甘棠見宗廟之敬也甚矣思其人必愛其樹尊其人必敬其位道也○孔子問漆雕憑曰子事臧文仲武仲及孺子容此大夫孰賢對曰臧氏家有守龜焉名曰蔡文仲三年而爲一兆武仲三年而

爲二兆孺子容三年而爲三兆憑從此見之若問三人之賢與不賢所未敢識也孔子曰君子哉漆雕氏之子其言人之美也隱而顯言人之過也微而著○魯人有獨處室者鄰之嫠婦亦獨處一室夜暴風雨至嫠婦室壞趨而託焉魯人閉戶而不納嫠婦自牖與之言曰子何不如柳下惠然嫗不逮門之女國人不稱其亂魯人曰柳下惠則可吾固不可吾將以吾之不可學柳下惠之可孔子聞之曰善哉欲學柳下惠未有似於此者期於至善而不襲其爲可謂智乎○孔子曰小辯害義小言破道關雎興於鳥而君子美之取其雄雌之有別鹿鳴興於獸而君子大之取其得食而相呼若以鳥獸之名嫌之固不可行也○鄭詩曰執轡如組兩驂如舞孔子曰爲此詩者其知政乎夫爲組者總紕於此成文於彼言其動於近行於遠也執此法以御民豈不化乎竿旄之忠告至矣哉

竿旄之詩者樂乎善道告人取喻於素絲良馬如組紕之義

### 觀周

至周問禮於老聃訪樂於萇宏歷郊社之所考明堂之則察廟朝之度於是喟然曰吾乃今知周公之聖與周之所以王也○孔子觀周遂入太祖后稷之廟有金人焉參緘其口而銘其背曰古之慎言人也戒

之哉無多言多言多敗無多事多事多患安樂必戒無行所悔

所悔之事不可復行

勿謂何傷其禍將長勿謂何害

其禍將大勿謂不聞神將同人陷陷不滅炎炎若何涓涓不雍終爲江河綿綿微細

不絕或成網羅毫末

不札將尋斧柯札披也誠能慎之福之根也口是何傷禍之門也強梁者不得其死好勝者必遇其敵盜

憎主人民怨其上君子知天下之不可上也故下之知衆人之不可先也故後之温恭慎德使人慕之執

雌持下人莫踰之人皆趨彼我獨守此人皆或之我獨不徙或之東西轉移之貌內藏我智不示人技我雖尊高人

弗我害誰能如此江河雖左長於百川以其卑也天道無親而能下人戒之哉孔子既讀斯文也顧謂弟

子曰小子識之行身如此豈以口過患哉

### 弟子行

子貢曰夫能夙興夜寐諷詩崇禮行不貳過稱言不苟是顏回之行也孔子曰若逢有德之君則王者之

相也在貧如客不以貧累志矜莊如爲客也使其臣如借不有其臣如借使也是冉雍之行也孔子曰有土之君子也有衆使也

有刑用也然後稱怒焉言雍非有土之君故使其臣如借而不加怒也其言循信其都以富由長材任治戎是仲由之行也孔子

曰和之以文強乎武哉文不勝其質恭老卹幼不忘賓旅好學博藝省物而勤是冉求之行也孔子曰宜

爲國老齋莊而能肅志通而好禮儼相兩君之事篤雅有節是公西赤之行也孔子謂門人曰二三子之

欲學賓客之禮者其於赤也滿而不盈實而如虛過之如不及是曾參之行也美功不伐貴位不喜不侮

不佚不貪功慕勢也不傲無告是顓孫師之行也送迎必敬上交下接若截焉是卜商之行也貴之不喜賤之不

怒是澹臺滅明之行也先成其慮及事而用之故動則不妄是言偃之行也獨居思仁公言言義其於詩也一日三復白圭之玷是宮縉之行也足不履影啟蟄不殺方長不折執親之喪未嘗見齒是高柴之行也

### 辯政

孔子曰忠臣之諫君有五義焉諃諫

諫無文飾也

降諫

身降其體所以諫也

直諫

風誦依違遠罪避害也

唯度主而行之

吾從其諷諫乎○齊有一足之鳥飛集於公朝下止於殿前舒翅而跳齊侯大怪之使使聘魯問孔子孔

子曰此鳥名曰商羊水祥也昔童兒有屈其一脚振肩跳且謠曰天將大雨商羊鼓舞今齊有之其應至

矣急告民趨治溝渠修隄防將有大水為災頃之大霖雨水溢泛諸國唯齊有備不敗景公曰聖人之言

信而有徵矣○孔子謂宓子賤曰子治單父衆悅子何施而得之也對曰不齊之治也父其父子其子恤

諸孤而哀喪紀孔子曰善小節也小民附矣猶未足也曰不齊所父事者三人所兄事者五人所友事者

十一人孔子曰父事三人可以教孝矣兄事五人可以教悌矣友事十一人可以舉善矣中節也中人附

矣猶未足也曰此地民有賢於不齊者五人不齊事之而稟度焉孔子歎曰昔堯舜聽天下務求賢以自

輔夫賢者百福之宗也神明之主也惜乎不齊之所以治者小也○子貢為信陽宰將行辭於孔子孔子



曰吾聞之知爲吏者奉法以利民不知爲吏者枉法以侵民此怨之所由也治官莫若平臨財莫如廉廉平之守不可改也○子路治蒲三年孔子過之入其境曰善哉由也恭敬以信矣入其邑曰善哉由也忠信而寬矣至庭曰善哉由也明察以斷矣子貢執轡而問曰夫子未見由之政而三稱其善其善可得聞乎孔子曰入其境田疇盡易草萊甚辟溝洫深治此其恭敬以信故其民盡力也入其邑牆屋完固樹木甚茂此其忠信以寬故其民不偷也至其庭庭甚清閒諸下用命此其言明察以斷故其政不擾也以此觀之雖三稱其善庸盡其美矣

六本

孔子讀易至於損益喟然而歎子夏避席問曰夫子何歎焉孔子曰夫自損者必有益之自益者必有決之損而不已必益故受之以益益而不已必決故受之以夬夬決也吾是以歎也子夏曰然則學者不可以益乎子曰非道益之謂也道

彌益而身彌損夫學者損其自多以虛受人故能成其滿博也○曾子耘瓜誤斬其根曾皙怒建大杖以擊其背曾子仆地而不知久之有頃乃蘇孔子聞之而怒告門弟子曰參來勿內曾參使人請於孔子子曰汝不聞乎小極則待過大杖則逃走故瞽瞍不犯不父之罪而舜不失烝烝之孝今參事父委身以待暴怒旣身死而陷父於不義其不孝孰大焉汝非天子之民耶殺天子之民其罪奚若曾參聞之曰參罪

大矣遂道孔子而謝過○孔子曰吾死之後則商也日益賜也日損曾子曰何謂也子曰商也好與賢己者處賜也好說不若己者故曰與善人居如入芝蘭之室久而不聞其香卽與之化矣與不善人居如入鮑魚之肆久而不聞其臭亦與之化矣丹之所藏者赤漆之所藏者黑是以君子必慎其所與處者焉

辯物

季桓子穿井獲如土缶其中有羊焉使使問於孔子曰吾穿井於費而於井中得一狗何也孔子曰土之所聞者羊也土聞之木石之怪夔魍魎水之怪龍罔象土之怪羴羊也○吳伐越廩會稽獲巨骨一節專車焉吳子使來聘於魯且問之孔子客執骨而問曰敢問骨何如爲大孔子曰土聞之昔禹致羣臣於會稽之山防風後至禹殺而戮之其骨專車焉此爲大矣○孔子在陳陳惠公賓之於上館時有隼集於陳侯之庭而死楷矢貫之石罅其長尺有咫惠公使人持隼如孔子館而問焉孔子曰隼之來遠矣此肅慎氏之矢昔武王克商通道於九夷八蠻使各以其方賄來貢而無忘職業於是肅慎氏貢楷矢石罅其長尺有咫先王欲昭其令德之致遠物也故銘其括曰肅慎氏貢楷矢以分大姬配胡公而封諸陳君若使有司求諸故府其可得也公使人求得之金牘置如之

魯定公問於顏回曰子亦聞東野畢之善御乎對曰善則善矣雖然其馬將必佚定公色不悅顏回退後三日牧來訴之曰東野畢之馬佚兩驂曳兩服入於廐公促駕召顏回回至公曰前日寡人問吾子以東野畢之御而子曰其馬將佚不識奚以知之顏回對曰以政知之昔者帝舜巧於使民造父巧於使馬舜不窮其民力造父不窮其馬力是以舜無佚民造父無佚馬今東野畢之御也歷險致遠馬力盡矣然而猶乃求馬不已臣以此知之公曰善吾子之言其義大矣願少進乎顏回曰臣聞之鳥窮則啄獸窮則攫人窮則詐馬窮則佚自古及今未有窮其下而能無危者也

### 子路初見

子路見孔子子曰君子不可不學子路曰南山有竹不揉自直斬而用之達於犀革以此言之何學之有孔子曰括而羽之鏃而礪之其入之不亦深乎子路再拜曰敬受教○孔子爲魯司寇魯人聞之曰聖人將治何不先自遠刑罰自此以後國無爭者孔子謂宰予曰違山十里蟋蟀之聲猶在於耳故政事莫如應之違去也蟋蟀蛸蟻也以其鳴而巳言政事須慎聽之然後行之者也○孔子侍坐於哀公賜之桃與黍焉孔子先食黍而後食桃左

右皆掩口而笑公曰黍者所以雪桃

雪拭也

非爲食之也孔子對曰臣知之矣然黍者五穀之長郊禮宗廟

以爲上盛果屬有六而桃爲下祭祀不用不登郊廟臣聞之君子以賤雪貴不聞以貴雪賤今以五穀之

長雪果之下者是從上雪下臣以爲妨於教害於義故不敢公曰善哉○孔子相魯齊人患其將霸欲敗其政乃選好女子八十人衣以文飾而舞容璣舞曲及文馬四十駟以遺魯君陳女樂列文馬於魯城南高門外季桓子微服往觀之再三將受焉告魯君爲周道遊觀觀之終日怠於政事桓子旣受女樂君臣淫荒三日不聽國政郊又不致膳俎孔子遂行宿於郭屯師已送曰夫子非罪也孔子曰吾歌可乎歌曰彼婦人之口可以出走彼婦人之謁可以死敗優哉游哉聊以卒歲琴操季桓子受女樂孔子欲諫不得退而望魯作歌曰予欲望魯龜山蔽之手

無斧柯奈龜山何

○澹臺子羽有君子之容而行不勝其貌宰我有文雅之辭而智不充其辯孔子曰里語云相

馬以輿士以居弗可廢矣以容取人則失之子羽以辭取人則失之宰予

### 在厄

楚昭王聘孔子孔子往拜禮焉路出於陳蔡陳蔡大夫相與謀曰孔子聖賢能用於楚則陳蔡危矣遂使徒兵距孔子絕糧七日孔子愈慷慨講誦絃歌不衰乃召子路而問焉曰詩云匪兕匪虎率彼曠野吾道非乎奚爲至於此子路愠作色而對曰君子無所困意者夫子未仁與人之弗吾信也意者夫子未智與人之弗吾行也子曰君子博學深謀而不遇時者衆矣何獨丘哉且芝蘭生於深林不以無人而不芳君子修道立德不爲窮困而敗節子路出子貢曰夫子之道至大故天下莫能容夫子夫子盍少貶焉子曰

賜良農能稼不必能穡良工能巧不能為順言工巧不能每順人意君子能修其道綱而紀之不必其能容今不修

其道而求其容賜爾志不廣矣思不遠矣子貢出顏回曰夫子之道至大天下莫能容雖然世不我用有

國者之醜也夫子何病焉不容然後見君子孔子欣然歎曰有是哉顏氏之子使爾多財吾為爾宰宰主財者

也為汝主財言志同也

### 困誓

孔子自衛將入晉至河聞趙簡子殺竇犢及舜華乃臨河而歎曰美哉水洋洋乎丘之不濟此命也

夫竇犢鳴犢舜華晉之賢大夫也丘聞刳胎殺夭則麒麟不至於郊竭澤而漁則蛟龍不處於淵覆巢破

卵則鳳凰不翔其邑何則君子違傷其類者也鳥獸之於不義尚知避之況於人乎遂還息於鄒作檠操

以哀之檠操琴曲名○孔子之宋匡人簡子以甲士圍之子路怒奮戟將與戰孔子止之曰夫詩書之不講禮

樂之不習是丘之過也若以述先王好古法而為咎者非丘之罪也命之歌予和汝子路彈琴而歌孔子

和之曲三終匡人解甲而罷

### 五帝德

宰我問於孔子曰予聞諸榮伊曰黃帝三百年請問黃帝者人也抑非人也何以能三百年乎孔子曰黃

帝少典之子曰軒轅生而神靈弱而叡齊長而敦敏治五氣設五量與炎帝戰於阪泉三戰得行其志民賴其利百年而死民畏其神百年而亡民用其教百年而移故曰黃帝三百年請問帝顓頊曰黃帝之孫昌意之子曰高陽洪淵有謀疏通知遠請問帝嚳曰元楊之孫喬極之子曰高辛生而神異自言其名請問帝堯曰帝辛氏之子曰陶唐其仁如天其智如神就之如日望之如雲請問帝舜曰喬牛之孫瞽瞍之子曰有虞孝友聞於四方陶斂事親請問禹曰高陽之孫鯀之子也曰夏后聲為律身為度聲聲穆穆為紀為綱左準繩右規矩任皐繇伯益以贊其治

執轡

子夏問於孔子曰商聞易之生人及萬物鳥獸昆蟲各有奇偶氣分不同而凡人莫知其情唯達道德者能原其本焉天一地二人三三三如九九九八十一一主日日數十故人十月而生其餘各從其類矣鳥魚生陰而屬於陽故皆卵生魚游於水鳥遊於雲故立冬則鷦雀入海化為蛤蠶食而不飲蟬飲而不食蜉蝣不飲不食萬物之所以不同介鱗夏食而冬蟄齧吞者八竅而卵生鳥屬齧者九竅而胎生人及獸屬四足者無羽翼戴角者無上齒無角無前齒者豕屬有角無齒者羊屬書生者類父夜生者似母是以至陰主北至陽主牡敢問其然乎孔子曰然吾昔聞諸老聃亦如汝之言子夏曰商聞山書曰地東西為緯南



北為經山為積德川為積刑高者為生下者為死巳陵為牡谿谷為牝蚌蛤龜珠與日月而盛虛月盛則蚌蛤之

屬滿月虧則虛也是故堅土之人剛弱土之人柔墟土之人大沙土之人細息土之人美耗耗同土之人醜息土細

龜疎者也食水者善遊而耐寒食土者無心而不息蟻屬不氣息也食木者多力而不治血氣不治淮南子曰多力而弗戾食草者善

走而愚食桑者有緒而蛾食肉者勇毅而悍食氣者神明而壽食穀者智慧而巧不食者不死而神故曰

羽蟲三百有六十而鳳為之長毛蟲三百有六十而麟為之長甲蟲三百有六十而龜為之長鱗蟲三百

有六十而龍為之長倮蟲三百有六十而人為之長此乾坤之美也

辯樂

孔子學琴於師襄子襄子曰今子於琴已習可以益矣孔子曰巳未得其數也有問曰巳習其數可以益

矣孔子曰巳未得其志也有問曰巳習其志可以益矣孔子曰巳未得其為人也有問孔子有所繆然思

焉有所舉然高望而遠眺見也曰巳迫得其為人矣徒感切而黑頎然長曠如望羊曠用志廣遠望羊遠視也奄有四方

非文王其孰能為此師襄子避席葉拱而對曰葉拱兩手薄其心也吾子聖人也其傳曰文王操

屈節

宓子賤為單父宰請君近吏二人俱至官二吏辭歸報曰宓子使臣書而掣臣肘書惡而又怒臣此臣所

以去之而來也魯君以問孔子子曰宓不齊其才任霸王之佐屈節治單父將以自試也意者以此爲諫乎公寤曰寡人亂宓子之政而責其善者數矣微夫子寡人無以自寤遽發使告宓子曰自今已往單父非吾有也從子之制宓子遂得行其政於是單父治焉三年孔子使巫馬期往觀政焉入單父界見夜鮒者得魚輒舍之巫馬期問焉曰凡鮒者爲得何以得魚卽舍之鮒者曰魚之大者名爲鱣音酬吾大夫愛之其小者名鮒音盛吾大夫欲長之是以得二者輒舍之巫馬期返以告曰宓子之德至使民間行若有嚴刑於旁敢問何行而得於是孔子曰吾嘗與之言曰誠於此者行乎彼宓子行此術於單父也

### 弟子解

顏回魯人字子淵孔子曰自吾有回門人日益○仲由弁人字子路孔子曰自吾得由而惡言不入於耳○言偃魯人字子游時習於禮○曾點曾參父字子皙疾時禮教不行欲修之孔子善焉○漆彫開蔡人字子若習尙書不樂仕孔子曰子之齒可以仕矣時將過子若報其書曰吾斯之未能信孔子悅焉○巫馬施陳人字子期孔子將近行命從者皆持蓋已而果爾巫馬期問曰何以知之孔子曰昨暮月宿於畢詩不云乎月離於畢俾滂沱矣以此知之○琴牢衛人與宗魯友聞宗魯死欲往弔焉孔子曰非義也○叔仲會魯人字子期與孔旒年相比每孺子之執筆記事於夫子二人迭侍左右孟武伯曰此二孺子之

幼也於學豈能諷於壯哉孔子曰然少成則若性也習慣若自然也○卜商衛人字子夏習於詩能通其義爲人性不宥好論精微時人無以尙之嘗返衛見讀史志者云晉師伐秦三家渡河子夏曰非也己亥耳讀史志者問諸晉史果曰己亥於是衛以子夏爲聖孔子卒後教於西河之上魏文侯師事之而諮國政焉○曾參南武城人字子輿志成孝道故孔子因之以作孝經參後母遇之無恩而供養不衰及其妻以梨烝不熟因出之人曰非七出也答曰梨烝小物耳吾欲使熟而不用吾命況大事乎遂出之終身不娶妻○公析哀齊人字季沉鄙天下多仕於大夫家者未嘗屈節人臣孔子特歎賞之○商瞿魯人字子木特好易孔子傳焉

書序 漢劉歆曰孔子修易序書班固曰孔子纂書凡百篇而爲之序

虞夏書

昔在帝堯聰明文思光宅天下將遜於位讓於虞舜作堯典 程子曰其道光顯故云光宅言光顯而居天下也 黃氏曰抄云堯典始終皆主欽字

○虞舜側微堯聞之聰明將使嗣位歷試諸難作舜典 孔安國云歷試諸難者試以治民之難事 王伯厚曰書首二典猶詩首二南取費秦之誓猶詩取

魯頌○帝釐下土方設居方別生分類作汨作九共九篇稟飫 十一篇亡 孔安國曰言舜理諸侯各設其官居其方生姓也別其姓族分其類使相從

也汨治作輿也言治民之功輿也稟勞飫賜也 劉侍讀曰九共卽九已也古文 ○皐陶矢厥謨禹成厥

功帝舜申之作大禹謨臯陶謨益稷蔡氏沈曰矢陳也申重也 朱子曰陳九功之事故曰成厥功也 孔安國曰禹稱大大其功也 王伯厚曰若稽古稱三聖而臯陶與

焉舜以天下讓禹獨稱臯陶孟子論傳道亦稱禹臯陶又舜以不得禹臯陶為己愛子夏言舜舉臯陶觀於謨而見臯陶學之粹也 金仁山前編曰伯益即伯翳其後為秦 ○禹別九州隨山

濬川任土作貢書有六體典謨訓誥誓命合貢歌征範為十例 董氏鼎曰齊天運有羲和之歷定地理 有禹貢之書 陳君舉曰夫子序書列禹謨於先而禹貢為後以見嘉言之益在胼胝之

上禹謨曰虞書而禹貢曰夏書者何以貢 法是夏禹新制終篇全述貢法故曰夏書 ○啟與有扈戰於甘之野作甘誓呂祖謙曰堯舜禹相承渾 然無間至啓而有跋扈之

臣臣與君抗其體若敵視有苗顧甯人曰夏商天子之子 弗率汝徂征之氣象有間矣 ○太康失邦昆弟五人須於洛汭作五子之歌顧甯人曰夏商天子之子 封國為諸侯者不見於經

以太康厥弟五人並建茅土羿何至篡夏哉左富辰曰周公監二叔之不咸封建親戚以蕃屏周而少康 封庶子於會稽二十餘世至越句踐亦監於太康孤立之禍而然與 呂伯恭曰觀舜臯之歌見詩之雅

頌觀五子之歌見顧甯人曰羲和尸官慢天也葛伯不祀忘祖 詩之變風變雅 ○羲和涸淫廢時亂日盾往征之作盾征也至六師之誅鄰國之伐古聖敬天尊祖也

至矣 ○自契至於成湯八遷湯始居亳從先王居作帝告史記 作誥 釐沃二篇亡 陳氏櫟曰契帝嚳子舜封之 商賜姓子帝告疑即帝嚳釐理也沃沃

饒之土也孔安國曰契父帝嚳都亳湯自商亡 遷焉 孔穎達曰契至成湯十四世凡八遷國都 ○湯征諸侯葛伯不祀湯始征之作湯征篇亡 孔安 國曰湯為夏

方伯得專征伐 ○伊尹去亳適夏既醜有夏復歸於亳入自北門乃遇汝鳩汝方史記作 女房 作汝鳩汝方 二篇亡 董氏度曰

湯進伊尹於桀伊尹五就桀幸桀改德也醜言其德垢穢可醜也鳩方二人湯之賢 臣 王伯厚曰君子去留國之存亡係焉故夏書終於汝鳩汝方商書終於微子

商書

伊尹相湯伐桀升自陟音 而遂與桀戰於鳴條之野作湯誓 陟地名升自陟所 從伐夏之道也 ○湯既勝夏欲遷其社不可

作夏社疑至臣扈三篇亡孔穎達曰此言變置之事也湯於初社稷俱欲變之周棄功多於社即今廢柱立棄而治水土之臣其功無及句龍者故不可遷而止左傳說社祭句龍稷祭柱

棄惟祭人神而已又孝經說社為土神稷為穀神句龍柱音變是配食者也疑至臣扈二臣名蓋亦言其不可遷之意○夏師敗績湯遂從之遂伐三豎祖叢切俘厥

寶玉誼伯仲伯作典寶篇亡孔安國曰三豎國名築走保之俘取也○湯歸自夏至於大坰史記作泰卷地名仲虺史記作中作誥○湯

既黜夏命復歸於亳作湯誥王伯厚曰仲虺之誥言仁之始湯誥言性之始太甲言誠之始說命言學之始皆見於商書執事有恪先聖之傳恭也亦見於商頌孔子之傳有自矣

○咎音高單善作明居篇亡馬氏融曰咎單為湯司空○成湯既沒太甲元年伊尹作伊訓肆命祖后二

亡孔氏曰肆命陳天命以戒太甲祖后陳往古明君以戒言湯之法度也山堂考索曰惟元祀十有二月乙丑商之正月夏之十二月也商雖建丑為正猶以夏正數月史記秦始皇三十二年十二月更名臘曰嘉平秦以十月為正則臘當在三月而云十二月可知古者改正朔總以夏正數月也

孔安國曰湯始改正而武王因之葉少蘊曰甘誓已言三正則子丑寅迭為三正者尚矣○太甲既

立不明伊尹放諸桐三年復歸於亳思庸伊尹作太甲三篇蘇氏曰思庸思用伊尹之言也○伊尹作咸有一德郝楚望曰伊訓

以下五篇辭皆淺泛列之湯誥盤庚閒絕不類且○沃丁既葬伊尹於亳咎單遂訓伊尹事作沃丁篇亡

伊陟伊尹相太戊亳有祥桑穀共生於朝伊陟贊於巫咸作咸乂四篇四篇亡孔安國曰祥妖怪也桑穀二木合生七日大拱不恭之罰

也真德秀云史記曰太戊問伊陟伊陟曰臣聞妖不勝德帝其修德太戊從之桑穀枯死太戊遇災而懼如此故周公曰殷王中宗嚴恭寅畏天命自度是知中宗之心矣巫咸治王家有成作咸乂又史記作

艾註艾治也○太戊贊於伊陟作伊陟原命二篇亡孔氏曰原臣名太戊告伊陟亦告原俱以桑穀事告○仲丁遷於囂作仲丁篇亡孔

安國曰太戊子也○河亶甲居相作河亶甲篇亡孔安國曰仲丁之子也圮於相遷於耿河

囂地名○河亶甲居相作河亶甲篇亡弟也相地名在河北○祖乙圮於耿作祖乙篇亡孔安國曰亶甲

水所毀曰圮 孔穎達曰 此三篇並陳遷都之義 ○盤庚五遷將治亳殷民咨胥怨作盤庚三篇 正義曰湯自南亳遷西亳仲丁

盤庚渡河南居西亳是五遷也經言亳焉相歌惟四邦耳盤庚從湯居亳不 遷於叡河實甲居相祖乙居耿 可又謂之一邦也 鄭康成曰治於亳之殷地商家自此徙改國號曰商 ○高宗夢得說使百工營求

諸野得諸傅巖作說命三篇 孔安國曰盤庚弟小乙子名武丁德高可尊故曰高宗 林之奇曰古者祖

不毀商人所祖者成湯所宗者太甲太戊高宗 高宗祭成湯有飛雉升鼎耳而雒祖已訓諸王作高宗 也以太甲為太宗太戊為中宗太丁為高宗

彤日高宗之訓 篇亡 劉歆曰鼎三足三公象也野鳥居 殷始咎周周人乘黎祖伊恐奔告於受作西

伯戡黎 蔡氏曰咎惡也乘勝也詳祖伊所告無一言及西伯者蓋祖伊雖知周不利於商而又知周實無 所利於商序言殷始咎周似亦未明祖伊奔告之意 王伯厚曰商都朝歌黎在上黨靈關乃河

朔險要朝歌西境黎亡則商震矣周以商墟封衛狄人 殷既錯天命微子作誥父師少師 孔安國曰錯 迫逐黎侯而式微旄亡詩作唇亡齒寒衛卒為狄所滅 ○殷既錯天命微子作誥父師少師 亂也告二師

而去紂 顏氏曰比干之為少師周之三孤也少師彊則樂官之佐也史 記言紂將亡太師疵少師彊抱其樂器奔周而後儒傳誤以為微子矣

### 周書

惟十有一年武王伐殷一月戊午師渡孟津作泰誓三篇 蔡氏曰十一年者十三年之誤也而孔氏遂以 為十一年觀兵十三年伐紂武王觀兵是以臣

脅君也按張子曰一日而命未絕則是君臣當日而命絕則為獨夫 豈有觀兵二年而後始伐之哉武王蓋未始有十一年觀兵之事也 ○武王戎車三百兩虎賁三千人與

受戰於牧野作牧誓 ○武王伐殷往伐歸獸識其政事作武成 史記周本紀罷兵西歸行狩記政事作武 成班固亦云歸狩歸獸當以狩為正 洪

容齋云太王居邠為狄所迫安有肇基王迹之事文王但稱西伯耳安得 言膺天命乎武王未伐商已稱周王可乎則不可盡信非血流漂杵一端 ○武王勝殷殺受立武庚以箕



子歸作洪範真景元曰稱十有三祀者成箕子不臣周之高致稱訪者表武王能下賢之虚心 朱氏曰箕子不臣周所以正萬世君臣之大法陳洪範所以正萬世天人之至理 左傳引商書曰

沈潛剛克高明柔克洪範言惟十有三祀箕子不忘商也蔡氏曰故左引為商書陶淵明書甲子陳威用漢臘亦箕子意也 ○武王既勝殷邦諸侯班宗彝作分器篇亡

宗彝宗廟尊彝也 孔穎達曰邦諸侯詩賁序云大封於廟謂此時也 ○西旅獻葵太保作旅葵呂伯恭曰武王創業之君以此為防後猶有求白狼白鹿如穆王者 ○巢伯

來朝芮伯作旅巢命篇亡 ○武王有疾周公作金縢陳君舉曰周家四大事皆定於卜伐商也都洛也東征也武之疾瘳也 ○武王崩三監及

淮夷叛周公相成王將黜殷作大誥 ○成王既黜殷命殺武庚命微子啟代殷後作微子之命顧甯人曰微子受國

而不受爵受國以存先王之祀不受爵以示不為臣之節故終身稱微子也衍之稱微仲者亦猶微子之心也至於衍子稽則遠矣於是始稱宋公嗚呼吾於洪範之書十有三祀微子以舊爵名篇而知武王周

公不奪人 ○唐叔得禾異畝同穎獻諸天子王命唐叔歸周公於東作歸禾篇亡 史記註異畝同穎二苗同一穗 ○周公

既得命禾旅天子之命作嘉禾篇亡 蔡氏曰旅陳也 陳氏經曰此天地借草木之靈以彰成王周公始疑終信之象乃和同之德所感召也成王歸美於周公周公歸美於成

王二篇雖亡君臣和氣藹然猶可想見 ○成王既伐管叔蔡叔以殷餘民封康叔作康誥酒誥梓材孫氏曰書序為後人偽作如定公四年祝佗曰

命以伯禽而封少皞命以康誥而封般墟命以唐誥而封夏墟是伯禽之命及唐誥康誥周書之三篇孔子所必錄也今康誥存而二篇亡為書序者不列於百篇之內疎漏顯然則書序可疑并百篇之名亦未

可信 胡氏曰康叔成王叔父也經文不應曰朕其弟成王康叔猶子也經文不應曰乃寡兄其曰允曰弟者武王命康叔之辭也序之繆誤蓋無可疑書序似因康誥篇首錯簡遂誤以為成王之書而孔安國

又以為序篇亦出壁中豈孔鮒藏書之時已有錯簡耶不可考矣 ○成王在豐欲宅洛邑使召公先相宅作召誥 ○召公既相宅周公往

營成周使來告卜作洛誥 ○成周既成遷殷頑民周公以王命告作多士 ○周公作無逸呂伯恭曰東征三年以定外亂

特治其末無逸者治原之書魏華父曰○召公為保周公為師相成王為左右召公不悅周公作君夷詩有七月皆言農桑書有無逸欲其知依

○蔡叔既沒王命蔡仲踐諸侯位作蔡仲之命真景元曰治水成功而鯀配夏郊率德改行而蔡叔世祀○成王東伐淮夷遂踐讀作

奄作成王政篇亡 蔡氏曰踐滅也 黃氏度曰淮夷嘗與管蔡叛周故周公伐奄成王朝諸侯於洛邑淮夷又不至成王於是東伐淮夷遂踐奄成王始祭天地宗廟見諸侯遷殷民封蔡踐奄禮

樂征伐無不行焉作書名篇亡 孔安國曰○成王既踐奄將遷其君於蒲姑周公告召公作將蒲姑篇亡 孔安國曰蒲姑齊地○成

王歸自奄在宗周誥庶邦作多方孔安國曰成王即政始封伯禽淮夷奄國又叛王伐淮夷魯伐徐戎費誓與此同時○周公作立政呂伯恭曰無逸立政二篇

相表裏以無逸之心明立政之體君道備矣胡士行曰無逸立政相為經緯○成王既黜殷命滅淮夷無無逸之心則立政方策而已無立政之體則勞於細故秦隋之程石傳餐矣

還歸在豐作周官陳器之曰周禮乃周公擬議未全行之書周官則成王建置訓迪而已施行之書帝世詳於化而略於政故虞代禮樂之官分為二而兵刑合為一王者略於化而詳於政

故周代禮樂之官合為一而兵刑分為二○成王既伐東夷肅慎來賀王俾榮伯作賄肅慎之命篇亡 孔穎達曰肅慎氏以王戰勝遠來朝賀王賜以財

賄使榮伯為策書以命之嘉其慶賀慰其勞苦之意○周公在豐將沒欲葬成周公薨成王葬於畢告周公作亳姑篇亡 周公既沒

命君陳分正東郊成周作君陳王伯厚曰君陳蓋周公之子伯禽之弟見坊記註傳有凡蔣邢茅昨祭凡伯及祭公謀父皆周公子孫代有賢人周公家學遠矣○成王

將崩命召公畢公率諸侯相康王作顧命○康王既尸天子遂誥諸侯作康王之誥○康王命作冊畢分

居里成周郊作畢命孔穎達曰畢公高食邑於畢周世居太王王季都其後畢萬受魏於晉為魏之祖黃氏曰抄曰般人心不服周周公之後繼以君陳更二十六年而畢公繼之尚以旌

別為政是般民未盡服也必生長於般者老死至盡而後人心定耳東坡蘇氏於多方之解謂般湯以下七王之德深矣 王氏炎曰般民不輕於從周見商王德澤之深三后化般般卒依於周八百年見周

案仁厚 ○穆王命君牙為周大司徒作君牙 ○穆王命伯冏為周大僕正作冏史記命 ○呂命穆王訓夏

贖刑作呂刑蔡氏曰或曰訓夏贖刑謂訓夏后氏之贖刑也夏承虞治不開變法周禮亦無五刑之贖呂侯竊舜典贖刑二字作為此刑以聚民財資其荒用夫子以其書猶有哀矜之意而錄之其

篇首特以耄荒二字發之其意微矣張文饒曰孔子取周太史所藏斷自堯典至於呂刑復得文侯之命以費誓秦誓附益其後 ○平王錫晉文侯桓鬯圭瓚作文侯之

命陳氏爍曰成王以桓鬯錫周公於作洛之餘見西周所以盛平王以桓鬯錫文侯於遷洛之始見東周所以衰 竹書紀年幽王十一年申人鄆人犬戎入周弑王及王子伯服申侯立宜曰於申號公翰立

王子余臣於攜二十一年晉文侯殺王子余臣於攜然則文侯之命報其立己之功而望其殺攜王之效也幽之弑不可謂非出於平王之志矣號公之立余臣或有見於此也孔子錄文侯之命於書錄揚之水

於詩其旨微矣 ○魯侯伯禽宅曲阜徐夷並興東郊不開作費誓林之奇曰當紂之時徐戎淮夷常侵入職方之地故伯禽始居曲阜而並興者蓋與之爭魯也

詩曰率彼淮浦省此徐土又曰遂荒徐宅淮夷蠻貊明此二者嘗有並興之勢也文公語錄曰周衰孔子有望於魯故繼以費誓蓋魯周公之裔也魯不足望勢必併於秦故以秦誓終焉 ○秦穆公

伐鄭晉襄公帥師敗諸殽還歸作秦誓鄧康節曰夫子以秦誓綴周魯之後知周之必為秦也

詩序上隋經籍志先儒相承謂毛詩序子夏所創毛公及衛敬仲更加潤益

國風國總十五國風者謂其被上之化以有言而言足以感人諸侯采之以貢於天子天子受之而列於樂官以考風俗之美惡而知政治得失焉

周南召南周地名在岐山之陽召周內之別名也紂命文王典治南國諸侯於時雍梁荆豫徐揚六州之人被其德而從之文王作邑於豐分周召之地為周公旦召公奭之采地武王定天

下陳詩以觀民風六州得二公之化尤純故獨錄之言周之內治由內及外者謂之周南言諸侯被周之澤而漸於善者謂之召南夫召南有召公之詩而周南無周公之詩何也周公在內近

於文王雖有德而不見則其詩不作召公在外遠於文王功業明著則詩作於下平仲王氏云二南正始之道王化之基何不雅而以風也曰其地風也其時風也雅之懼傷文王之心也然則

詩序上

鹿鳴四牡采芣皆文王詩何以雅也曰諸詩作於成王追王之後不雅不足以正名也然則黍離以降猶之手宗周也何以風也曰以聲齊晉諸君之罪也王室而既卑矣弱者救過不逮強者日尋干戈而天王之誼漠然夾輔之謂何是故以王而儕於十二國中而牧伯之罪千古矣孰謂詩非春秋之義哉

闕雖后妃之德也風之始也所以風天下而正夫婦也故用之鄉人焉用之邦國焉風風也教也風以動

之教以化之詩者志之所之也在心爲志

所謂詩言志

發言爲詩情動於中而形於言言之不足故嗟歎之嗟

歎之不足故永歌之

長引其聲

永歌之不足不知手之舞之足之蹈之也情發於聲聲成文謂之音治世之音

安以樂其政和亂世之音怨以怒其政乖亡國之音哀以思其民困故正得失動天地感鬼神莫近於詩

先王以是經夫婦成孝敬厚人倫美教化移風俗故詩有六義焉一曰風二曰賦三曰比四曰興五曰雅

六曰頌上以風化下下以風刺上主文而譎諫

不直諫

言之者無罪聞之者足以戒故曰風至於王道衰禮

樂廢政教失國異政家殊俗而變風變雅作矣國史明乎得失之迹

國史得詩於采詩之官

傷人倫之變哀刑政之

苛吟詠性情以風其上達於事變而懷其舊俗者也故變風發乎情止乎禮義發乎情民之性也止乎禮

義先王之澤也是以一國之事繫一人之本

風之本出於人君

謂之風言天下之事形四方之風謂之雅雅者正

也言王政之所由發興也政有大小故有小雅焉有大雅焉頌者美盛德之形容以其成功告於神明者

也是謂四始詩之至也

風始關雎雅始鹿鳴大雅始文王頌始清廟

然則關雎麟趾之化王者之風故繫之周公

公作

南言化

自北而南也鵲巢騶虞之德諸侯之風也先王之所以教故繫之召公周南召南正始之道王化之基是

以關雎樂得淑女以配君子憂在進賢不淫其色在后妃哀窈窕思賢才而無傷善之心焉是關雎之義

也子貢傳文王之妃妣氏思得淑女以供內職賦關雎○葛覃后妃之本也后妃在父母家則志在於女功之事躬儉節用服澣濯

之衣尊敬師傅則可以歸安父母化天下以婦道也詩輯評云王業之本在稼穡后妃之本在女功張氏拭曰誦服之無數知周之所以興誦休其蠶織知

周之所以衰○卷耳后妃之志也又當輔佐君子求賢審官知臣下之勤勞內有進賢之志而無險詖私謁之

心朝夕思念至於憂勤也按左傳襄公十五年君子謂楚於是乎能官人官人國之急也○樛木后妃逮

下也言能逮下而無嫉妒之心焉○螽斯后妃子孫衆多也言若螽斯不妒忌則子孫衆多也史記武王

十八伯邑考武王發管叔鮮周公旦蔡叔度曹叔振鐸邴叔武霍叔處康叔封聃季載此其衆多之驗○桃夭后妃之所致也不妒忌則男女以正婚姻以

時國無鰥民也○兔置后妃之化也關雎之化行則莫不好德賢人衆多也子貢傳申培說文王舉閔天

文王舉閔天太顛於置網之中西土服金履祥云此事於兔置詩最合王伯厚云曰公侯干城曰王室如燬當文王與紂之事於君臣之分嚴矣此周之所以為至德朱元晦云尊稱不過曰公侯亦文王未

嘗稱王之驗○芣苢后妃之美也和平則婦人樂有子矣○漢廣德廣所及也文王之道被於南國美化行乎

江漢之域無思犯禮求而不可得也漢廣江永謂形容游女不可求非矣商季風淫乃漢濱游女有貞靜難犯之色采風者悠然會心覺王者過化存神真有若漢廣之不可

泳江永之不可方者反覆長歌所以謂之風也○汝墳道化行也文王之化行乎汝墳之國婦人能閔其

毛公獨摘漢廣二字云德廣所及也詩旨悠然○汝墳道化行也文王之化行乎汝墳之國婦人能閔其

君子猶勉之以正也子貢傳受辛無道商人慕文王而歸之賦汝墳○麟之趾關雎之應也應效也關雎之化行則天下無犯非禮

雖衰世之公子皆信厚如麟趾之時也嚴華谷云公子指周南國君之子按桃夭諸篇歌而後及麟趾豈非世祿之家鮮克由禮其從化獨難與

召南說見周南

鵲巢夫人之德也國君積行累功以致爵位夫人起家而居有之德如鵲鳩乃可以配焉段氏云婦人無攸遂雖拙何害

婦人之德貴乎靜正惟其有從一之志而無取能為之巧詩人有感於鳩居鵲巢其意亦微矣哉周南首雌鳩召南首維鳩言夫人之德同后妃也○采蘋夫人不失職也夫人

可以奉祭祀則不失職矣○草蟲大夫妻能以禮自防也○采蘋大夫妻能循法度也能循法度則可以

承先祖共祭祀矣○甘棠美召伯也召伯之教明於南國○行露召伯聽訟也衰亂之俗微貞信之教興

強暴之男不能侵陵貞女也劉向列女傳召南中女許嫁於鄆夫家禮不備而欲迎之女不肯往夫家訟之之女終拒之而作此詩輟評云文王滅崇始邑於鄆本崇地女為鄆人

所訟召伯聽之貞女得申召伯聽訟之明也○羔羊鵲巢之功致也召南之國化文王之政在位皆節儉正直德如羔羊也夫大

有潔白之操稱潔白之服中心無愧怍故外貌有威儀○殷其雷勸以義也召南之大夫遠行從政不遑甯處其室家能閱其勤勞

勸以義也○標有梅男女及時也召南之國被文王之化男女得以及時也劉安成曰此固不及桃夭樂及時然召南有此詩則猶周

南之有桃夭也○小星惠及下也夫人無妒忌之行惠及賤妾進御於君知其命有貴賤能盡其心矣○江有汜

美媵也勤而無怨嫡能悔過也文王之時江沱之間有嫡不以其媵備數媵過勞而無怨嫡亦自悔也陸氏



云小星取其下之能安也江河取其上之能海也人無不可改之過世無不可化之人而其本始皆起於家人是二詩之義也○野有死麕惡無禮也天下大亂疆暴相

陵遂成淫風被文王之化雖當亂世猶惡無禮也○何彼穠矣美王姬也雖則王姬亦下嫁於諸侯車服

不繫其夫下王后一等猶執婦道以成肅離之德也顧甯人曰平王而附於召南其與文侯之命以平王之事而附於書一也東周以後詩得附二南者惟此

篇一○騶虞鵲巢之應也鵲巢之化行人倫既正朝廷既治天下純被文王之化則庶類蕃殖蒐田以時仁

如騶虞則王道成也解頤新語云文王之風終於騶虞序以為王道成則近於雅矣文武之雅終於魚麗序以為可告神明則近於頌矣射義天子以騶虞為節樂官備也鄭康成注吁嗟

手騶虞歎仁人也周禮疏引韓魯說騶虞天子掌鳥獸官其說與射義合

邶劉元城云周既滅商分畿內地為邶鄘衛三國序詩者以其地本商之畿內故在王黍離上劉安成曰所以必繫邶鄘故名者乃寓存亡繼絕之心如楚既滅陳而九年經書陳災穀梁以為存

陳亦此意

柏舟言仁而不遇也衛頃公之時仁人不遇小人在側郝氏敬曰愚臣常託賢女以自鳴序所以目為仁人與○綠衣衛莊姜傷己

也妾上僭夫人失位而作是詩也○燕燕衛莊姜送歸妾也○日月衛莊姜傷己也遭州吁之難傷己不

見答於先君以至困窮之詩也○終風衛莊姜傷己也遭州吁之暴見侮慢而不能正也郝氏敬曰此篇為母憂子則賢

母為婦怨夫則傷於怒矣○擊鼓怨州吁也衛州吁用兵暴亂使公孫文仲將而平陳與宋國人怨其勇而無禮也○

凱風美孝子也衛之淫風流行雖有七子之母猶不能安其室故美七子能盡其孝道以慰其母心而成

其志爾○雄雉刺衛宣公也淫亂不恤國事軍旅數起大夫久役男女怨曠國人患之而作是詩○匏有苦葉刺衛宣公也公與夫人並為淫亂○谷風刺夫婦失道也衛人化其上淫於新昏而棄其舊室夫婦

離絕國俗傷敗焉○式微黎侯寓於衛其臣勸以歸也顧甯人云許無風而載馳之詩錄於鄘黎無風而式微之詩錄於邶聖人存亡繼絕之心也蘇子

由曰時衛在河北與黎地相接故狄人之患黎侯共之○旄丘責衛伯也狄人迫逐黎侯黎侯寓於衛衛不能修方伯連率音帥之職

黎之臣子以責於衛也○簡兮刺不用賢也衛之賢者仕於伶官皆可以承事王者也○泉水衛女思歸

也嫁於諸侯父母終思歸甯而不得故作是詩以自見也○北門刺士不得志也言衛之忠臣不得其志

爾○北風刺虐也衛國並為威虐百姓不親莫不相攜持而去焉○靜女刺時也衛君無道夫人無德杜氏

預曰雖悅美女義在彤管彤管女史記事規誨之所執○新臺刺衛宣公也納伋之妻作新臺於河上而要之國人惡之而作是詩

也○二子乘舟思伋壽也衛宣公之二子爭相為死國人傷而思之作是詩也

鄘

柏舟共姜自誓也衛世子共伯蚤死其妻守義父母欲奪而嫁之誓而弗許故作是詩以絕之朱氏曰衛風三十九

篇前此為新臺後此為牆有茨人道至此而盡聖人於其間置柏舟焉又以見人心之未嘗忘天理之未嘗滅也挽風俗之衰而扶綱常之重置之鄘風之首宜哉○牆有茨衛人刺其上

也公子頑通乎君母國人疾之而不可道也○君子偕老刺衛夫人也夫人淫亂失事君子之道故陳人

君之德服飾之盛宜與君子偕老也○桑中刺奔也衛之公室淫亂男女相奔至於世族在位相竊妻妾

期於幽遠政散民流而不可止奪婦烝母禽獸行也時人不以為醜而效其尤故偕老之後即繼以桑中○鶉之奔奔刺衛宣姜也衛人以爲

宣姜鶉鶉之不若也胡安國曰臣嘗謂劉奕班固載諸王淫亂事削之可也奕曰仲尼於鶉奔諸篇何以不削臣不能答後問楊時時曰此載衛爲狄所滅之因也故在定之方中之前○

定之方中美衛文公也衛爲狄所滅東徙渡河野處漕邑齊桓公攘戎狄而封之文公徙居楚丘始建城

市而營宮室得其時制百姓說之國家殷富焉卜云其吉毛傳建邦能命龜田能施命作器能銘使能造命升高能賦師旅能誓山川能說喪紀能誅祭祀能語君

子能此九者可以爲大夫○蝮螻止奔也衛文公能以道化其民淫奔之恥國人不齒也○相鼠刺無禮也衛文公能

正其羣臣而刺在位承先君之化無禮儀也徐氏曰衛文公罹失國之禍痛懲前失蝮螻相鼠所以訓誥其臣民也○干旄美好善也衛文

公臣子多好善賢者樂告以善道也○載馳許穆夫人作也閔其宗國顛覆自傷不能救也衛懿公爲狄

人所滅國人分散露於漕邑許穆夫人閔衛之亡傷許之小力不能救思歸唁其兄又義不得故賦是詩

也輯評云齊桓公攘狄封之楚丘不出夫人控於大邦一語古序云許穆夫人自作貴之也其知言乎

衛

淇澳美武公之德也有文章又能聽其規諫以禮自防故能入相於周美而作是詩也鄧氏云康叔宅心知訓至武公而睿

聖故衛風首淇澳○考槃刺莊公也不能繼先公之業使賢者退而窮處○碩人閔莊姜也莊公惑於嬖

明國有與立焉詩序上

妾使驕上僭莊姜賢而不答終以無子國人閔而愛之○氓刺時也宣公之時禮義消亡淫風大行男女無別遂相奔誘華落色衰復相棄背或乃困而自悔喪其妃耦故序其事以風焉美反正刺淫泆也○竹竿衛女思歸也適異國而不見答思而能以禮者也○芄蘭刺惠公也驕而無禮大夫刺之○河廣宋襄公母歸於衛思而不止故作是詩也○伯兮刺時也言君子行役為王前驅過時而不反焉○有狐刺時也衛之男女失時喪其妃耦焉古者國有凶荒則殺禮而多昏會男女之無夫家者所以育人民也○木瓜美齊桓公也衛國有狄人之敗出處於漕齊桓公救而封之遺之車馬器服焉衛人思之欲厚報之而作是詩也木瓜孔子次諸王風之前以周室既東諸侯不可無伯哉

王

陳氏云雅詩多是朝會宴饗樂章或是公卿大臣規諫獻納之作東遷以後朝廷既無制作公卿又無獻納故雅詩遂亡獨有民俗歌謠其體制聲節與列國之風同也范甯穀梁序云孔子列

黍離於國風齊王德於邦君明其不能復雅然左傳襄二十九年季札觀樂於魯已為之歌王矣孔子至哀十一年始自衛反魯雅頌得所則降王於風非孔子也

黍離閔宗周也周大夫行役至於宗周過故宗廟宮室盡為禾黍閔周室之顛覆彷徨不忍去而作是詩也○君子于役刺平王也君子行役無期度大夫思其危難以風焉○君子陽陽閔周也君子遭亂相招

為祿仕全身遠害而已

徐氏云春官磬師教縵樂燕樂之鐘磬注燕樂房中之樂陽陽君子其磬師之流與於論鼓鐘周何以盛執簧由房周何以衰論世者可以思矣

○揚之

水刺平王也不撫其民而達屯戍於母家周人怨思焉

輯評云申實啓戎之禍平王德其立己而忘其賦父故成甫成許以掩其成誓之迹與王伯厚

曰營謝成申其篤於母家一也一美  
焉一刺焉宣王親親平王忘警也  
○中谷有薤閔周也夫婦日以衰薄凶年饑饉室家相棄爾金饑木

蕺有周禮十二荒政所以拯之中谷  
○免爰閔周也桓王失信諸侯背叛構怨連禍王師傷敗君子不樂  
覆何代

其生焉構怨連禍指左傳桓五年繻葛之戰一說繻葛之戰伯者無王之始子與氏謂春秋作於詩亡以此  
○葛藟王族刺平王也周室道衰棄其九族

焉○采葛懼讒也嚴氏曰人臣任事於外則讒間易生一日不見於君已懼小人乘間而讒之  
○大車刺周大夫也禮義陵遲男女淫奔故陳

古以刺今大夫不能聽男女之訟焉○丘中有麻思賢也莊王不明賢人放逐國人思之而作是詩也

鄭

緇衣美武公也父子並為周司徒善於其職國人宜之故美其德以明有國善善之功焉○將仲子刺莊

公也不勝其母以害其弟弟叔失道而公弗制祭仲諫而公弗聽小不忍以致大亂焉○叔于田刺莊公

也叔處於京繕甲治兵以出于田國人說而歸之○大叔于田刺莊公也叔多才而好勇不義而得眾也

○清人刺文公也高克好利而不顧其君文公惡而欲遠之不能使高克將兵而禦敵於竟陳其師旅翱

翔河上久而不召眾散而歸高克奔陳公子素惡高克進之不以禮文公退之不以道危國亡師之本故

作是詩也○羔裘刺朝也言古之君子以風其朝焉○遵大路思君子也莊公失道君子去之國人思望

焉○女曰雞鳴刺不說德也陳古義以刺今不說德而好色也○有女同車刺忽也鄭人刺忽之不昏於

詩序上  
二十七

齊太子忽嘗有功於齊齊侯請妻之齊女賢而不取卒以無大國之助至於見逐故國人刺之○山有扶

蘇刺忽也所美非美然○蘧兮刺忽也君弱臣強不倡而和也○狡童刺忽也不能與賢人圖事權臣擅

命也○褻裳思見正也狂童恣行國人思大國之正己也突與忽爭國更出更入而無正之者 黃氏曰祭仲恣其狂狡之行弄其君於股掌之上故思

大國之正己○丰刺亂也婚姻之道缺陽倡而陰不和男行而女不隨○東門之墀刺亂也男女有不待禮而

相奔者也古序惟此章與 漆洧為淫詩○風雨思君子也亂世則思君子不改其度焉○子衿刺學校廢也亂世則學

校不修焉歐陽修曰朋友不復羣居挑達城闕間日遨遊無度者也 王伯厚云春秋時急攻戰而 緩教化惟魯僖公能修冲宮衛文公敬敷勸學他無聞焉鄭有鄉校子產僅能不毀而已○揚

之水閔無臣也君子閔忽之無忠臣良士終以死亡而作是詩也子突子儀子亶兄 弟相殘故曰終鮮○出其東門閔亂也

公子互爭兵革不息男女相棄民人思保其室家焉○野有蔓草思遇時也君之澤不下流民窮於兵革

男女失時思不期而會焉王平仲云左傳鄭伯享趙孟於垂隴子太叔賦野有蔓草孟曰吾子之惠也鄭 六卿餞韓宣子於郊子齏賦野有蔓草宣子曰孺子善哉吾有望焉韓詩外傳

孔子遭齊程木子於郊之間傾蓋而語終日顧子路而歌野有蔓草古人於君臣朋友間每託言配偶此詩若淫奔名卿何以賦之大饗夫子何以歌之以示子路○溱洧刺亂也兵革不

息男女相棄淫風大行莫之能救焉

齊輯評云五霸始鄭而齊繼之故次齊蓋魯既升為頌諸侯無 先齊者齊風多魯事魯無風而於齊可觀魯夫子蓋微之也

雞鳴思賢妃也哀公荒淫怠慢故陳賢妃貞女夙夜警戒相成之道焉○邶刺荒也哀公好田獵從禽獸



而無厭國人化之遂成風俗習於田獵謂之賢閑於馳逐謂之好焉○著刺時也時不親迎也○東方之

日刺衰也君臣失道男女淫奔不能以禮化也○東方未明刺無節也朝廷興居無節號令不時挈壺氏

不能掌其職焉夏官挈壺氏下士六人蓋置壺浮箭以為晝夜之節也○南山刺襄公也鳥獸之行淫乎其妹大夫遇是惡作詩而

去之○甫田大夫刺襄公也無禮義而求大功不修德而求諸侯志大心勞所以求者非其道也○盧令

刺荒也襄公好田獵畢弋而不修民事百姓苦之故陳古以風焉○敝笱刺文姜也齊人惡魯桓公微弱

不能防閑文姜使至淫亂為二國患焉○載驅齊人刺襄公也無禮義故盛其車服疾驅於通道大都與

文姜淫播其惡於萬民焉○猗嗟刺魯莊公也齊人傷魯莊公有威儀技藝然而不能以禮防閑其母失

子之道人以為齊侯之子焉郝氏敬曰人以為齊侯之子者春秋之義也當世人疑莊公非桓公子也春秋特書所生年月日以折羣議此詩云展我甥明其非我子也亦微諷之辭

魏劉安成曰先儒以魏封為文王子畢公高後也

葛屨刺褊也魏地狹隘其民機巧趨利其君儉嗇褊急而無德以將之○汾沮洳刺儉也其君儉以能勤

刺不得禮也輯評云君子所其無逸魏以勤儉立政其君至采莫采棘何刺貪者屨也伐檀猶盜臣碩鼠則剝民矣乃知魏政之儉非儉也貪也貪必剝民民盡而國亡矣序魏風以碩鼠終著魏所

以亡也亡於無禮○園有桃刺時也大夫憂其君國小而迫而儉以嗇不能用其民而無德教日以侵削之儉亡於貪也

故作是詩也魏傳至武公征斂不息惡聞直言晉獻公滅之其宗臣畢萬憂而賦此後晉以其地賜畢萬為大夫輔慶源曰黍離憂王室之已覆園桃憂魏國之將亡○陟岵孝子

行役思念父母也國迫而數侵削役乎大國父母兄弟離散而作是詩也○十畝之閒刺時也言其國削

小民無所居焉○伐檀刺貪也在位貪鄙無功而受祿君子不得進仕爾顧甯人曰候人而赤芾曹是以亡不符而縣貍魏是以削○

碩鼠刺重斂也國人刺其君重斂蠶食於民不修其政貪而畏人若大鼠也

唐劉安成曰叔虞封唐變侯號晉十七傳為曲沃武公所并然能滅晉之宗而不能滅唐之號故名其詩曰唐以寓意焉嚴華谷曰魏唐無淫詩蓋猶有先聖之風化焉

蟋蟀刺晉僖公也儉不中禮故作是詩以閔之欲其及時以禮自娛樂也此晉也而謂之唐本其風俗變

深思遠儉而用禮乃有堯之遺風焉顧懋燮曰周之子孫日失其序宗室之難晉實始之天子雖一再中討沃盛難制矣晉君無能或者其臣實甚三易良士殆將伯之思也

與○山有樞刺晉昭公也不能修道以正其國有財不能用有鐘鼓不能以自樂有朝廷不能灑掃政荒

民散將以危亡四鄰謀取其國家而不知國人作詩以刺之也○揚之水刺晉昭公也昭公分國以封沃

沃盛疆昭公微弱國人將叛而歸沃焉嚴華谷曰命謂桓叔命其徒以舉事禍將作矣言不敢告人乃所以深告昭侯○椒聊刺晉昭公也君子

見沃之盛疆能修其政知其蕃衍盛大子孫將有晉國焉輔慶源曰揚水椒聊述當時民情棄舊君而樂桓叔也聖人錄之見民罔常懷人君不可不強

於自○綢繆刺晉亂也國亂則昏姻不得其時焉○杕杜刺時也君不能親其宗族骨肉離散獨居而無

兄弟將為沃所并爾○羔裘刺時也晉人刺其在位不恤其民也○鶉羽刺時也昭公之後大亂五世君

子下從征役不得養其父母而作是詩也劉氏曰變風多作於春秋時斯時天下不知有王時也而北門云王事適我伯兮云為王前驅此詩亦云王事靡盬雖昏怨者

之詞猶幸王命之行於列國亦可見文武成康遺澤也 ○無衣美晉武公也武公始并晉國其大夫為之請命乎天子之使而作是

詩也 王伯厚云無衣非美晉蓋閔周也自僖王命曲沃伯為晉侯而篡臣無所忌威烈王之命晉大夫襲僖之迹也有曲沃伯之命則有二大夫之命出爾反爾也 顧懋樊云武公弑晉五君國人五不與

後武公滅緡僖王受賂而命為諸侯晉人始不得已從焉嗟 ○有杕之杜刺晉武公也武公寡特兼其宗乎民輕如梟難以威劫王尊於天乃以賄動周安得不弱

族而不求賢以自輔焉 何義門云晉自獻公去桓莊之族其後公族公行之官皆以卿之餘子庶子為之蓋懲曲沃之不兩大而忘其將移而滋他族也 ○莠生刺晉獻

公也好攻戰則國人多喪矣 鄭康成曰 ○采芴刺晉獻公也獻公好聽讒焉 范處義曰晉獻聽讒惟驪姬

之正指其事也 錢天錫云康節論夫子定書以秦誓綴周魯之後謂其知周之必為秦也即其刪詩亦然齊桓晉

秦 文更霸以來惟秦獨駸駸乎始大故齊晉之後次以秦風周亡而秦興夫子早見其兆矣不然秦

始僻遠實與吳楚僭王等乃吳楚詩無傳而秦風卒不削此即秦誓綴周魯後之意也

車鄰美秦仲也秦仲始大有車馬禮樂侍御之好焉 輯評云秦穆公學於西人之人即寺人也是秦仲為

禍所由來遠矣秦風以寺人之令始見亡秦者寺人也 ○駟鐵美襄公也始命有田狩之事囿囿之樂焉 鄭氏曰始命命為諸侯也

之君大獵行禮誇示四方而媚子與俱豈所以垂後嗣令下民乎宜其傳世之永不永也 ○小戎美襄公也備其兵甲以討西戎西戎方疆而征伐不

休國人則矜其車甲婦人能閱其君子焉 ○兼葭刺襄公也未能用周禮將無以國其國焉 仲與郝氏云

國其國蓋周之興也詩歌蒹葭是春和之明景也周禮行而開卜世有道之長秦之興也詩歌兼葭是肅殺之蕭辰也周禮廢而兆二世撲滅之禍聖人刪定法戒昭然 顧懋樊曰周雖東遷故老猶有存者襄

詩序上

公何知求賢自輔哉三賢○終南戒襄公也能取周地始為諸侯受顯服大夫美之故作是詩以戒勸之  
宛在惜乎其自不能用耳○周地雖有王命尚為戎有故戒○黃鳥哀三良也國人刺穆公以人從死而作是詩也○晨風刺康公也  
其無負王命而勸其必取也

忘穆公之業始棄其賢臣焉毛萇曰穆公招賢人賢人歸之驥疾如晨風之飛入北林○無衣刺用兵也秦人刺其君好攻戰亟用兵

而不與民同欲焉子貢傳申培說秦襄以王命伐戎周人喜之而作范處義曰詩人再三以王于與師言深譏其征伐不自天子出也陳止齋曰襄公攘西戎救王室得列諸侯故雖遠處

西陲而民知有王事之重東遷後人心未泯也讀文侯之命歎平王無志有以哉○渭陽康公念母也康公之母晉獻公之女文公遭驪姬之難

未反而秦姬卒穆公納文公康公時為太子贈送文公於渭之陽念母之不見也我見舅氏如母存焉及其卽位思而作是詩也○權輿刺康公也忘先君之舊臣與賢者有始而無終也

### 陳

宛丘刺幽公也淫荒昏亂游蕩無度焉○東門之粉疾亂也幽公淫荒風化之所行男女棄其舊業亟會於道路歌舞於市井爾○衡門誘僖公也愿而無立志故作是詩以誘掖其君也○東門之池刺時也疾

其君之淫昏而思賢女以配君子也○東門之楊刺時也昏姻失時男女多違親迎女猶有不至者也○

墓門刺陳佗也陳佗無良師傅以至於不義惡加於萬民焉傳曰孔甯儀行父從君行淫泄治刺之賦墓門○防有鵲巢變讒賊

也宣公多信讒君子憂懼焉傳曰靈公聽說囚泄治內子愛之○月出刺好色也在位不好德而說美色焉○株林刺靈

公也淫乎夏姬驅馳而往朝夕不休息焉○澤陂刺時也言靈公君臣淫於其國男女相說憂思感傷焉

檜

羔裘大夫以道去其君也國小而迫君不用道好絮其衣服逍遙游燕而不能自強於政治故作是詩也

○素冠刺不能三年也○隰有萋楚疾恣也國人疾其君之淫恣而思無情慾者也○匪風思周道也國

小政亂憂及禍難而思周道焉呂氏云匪風下泉思周道之詩獨作於曹檜何也曰政在天子則強不陵弱各得其所政出諸侯則徵發之煩共億之困征伐之暴唯小國偏受其

害所以瞻懷宗周為獨切也

曹

蜉蝣刺奢也昭公國小而迫無法以自守好奢而任小人將無所依焉顧甯人曰蜉蝣楚楚哀我生之須與萋楚猶儼痛有生之不幸候人

之赤芾徒榮鵬鳩之君子永棄曹檜如出一轍下泉之詠宜繼匪風而作也○候人刺近小人也共公遠君子而近小人焉○鳴鳩刺不壹也

在位無君子用心之不壹也○下泉思治也曹人疾共公侵刻下民不得其所憂而思明王賢伯也時晉文執

曹伯分曹田故云嚴氏曰曹固可罪而文於曹虐矣文甯能帖曹乎下泉愧木瓜矣陳氏云檜亡東周之始也曹亡春秋之終也夫子刪詩繫曹檜於國風之後於檜之卒篇曰思周道也傷天下之無王也

於曹之卒篇曰思治也傷天下之無伯也輔慶源曰匪風作於東遷以前尚冀周道復興下泉作於齊桓之後直慨歎之而已

○邶氏云邶居風雅之間何也風之終雅之始也變風終於曹思明王不可得於是次之以邶反之周公而後至於鹿鳴言周所以盛由周公也朱子云邶不先二南尊文王也不繼二南邶先岐

後也不與王風相屬與衰非其類也文王致治周公反正十五國風以是始終之則循環而為治世矣 王氏伯厚云風終於周公雅終於召旻有周召之臣則變者可復於正 漢地理志昔后

稷封齋公劉處豳太王遷郊文王作豐武王治畝其民有先王遺風務本業好稼穡故豳詩言農桑衣食之制甚備有鄂杜竹林南山檀栢號稱陸海為九州之膏腴 顧甯人曰豳詩不屬於國

風周之國無豳周公追述王業之始作七月詩兼雅頌之音而用之祈報之事周禮籥章獻豳詩豳雅豳頌王雪山云此一詩而三用也注謂七月一詩特以器和聲有不同爾

七月陳王業也周公遭變故陳后稷先公風化之所由致王業之艱難也 詩小傳云詩有夏正無周正七月陳王業六月北伐十月之交

刺純陰用事而日食四月維夏六月徂暑言暑之極其至皆夏正也 顧甯人云雨我公田先公而後私也言私其縱先私而後公也人之有私固情所不能免先王非惟弗禁且從而恤之合天下之私以成天下之公此所以為王政也必曰有公而無私此後世之美言非先王之至訓矣 ○鴟鴞周公救亂也成王未知周公之志公乃為詩以遺王名之

曰鴟鴞焉 ○東山周公東征也周公東征三年而歸勞歸士大夫美之故作是詩也一章言其完也二章

言其思也三章言其室家之望女也四章樂男女之得及時也君子之於人序其情而閱其勞所以說也

說以使民民忘其死其唯東山乎 ○破斧美周公也周大夫以惡四國焉 鄭康成曰惡其流言毀周 ○伐

柯美周公也周大夫刺朝廷之不知也 ○九罭美周公也周大夫刺朝廷之不知也 ○狼跋美周公也周

公攝政遠則四國流言近則王不知周大夫美其不失其聖也

詩序下

小雅 小雅大雅皆西周詩東遷之後無雅故曰詩亡二雅正有文武成變有厲宣幽六王皆居豐鎬是云西周詩也 王氏云大雅之變作於大臣召穆公衛武公之類小雅之變作於羣臣家父



孟子之類風之變匹夫四婦皆得以風刺清議在下矣 仲與郝氏曰列國之詩謂之風王朝之詩謂之雅小雅多言政事而兼風大雅多言君德而兼頌 大小雅皆豐鎬時詩也何以分大小

曰音體有大小非政事有大小也雜乎 風之體者為小純乎雅之體者為大

鹿鳴燕羣臣嘉賓也既飲食之又實幣帛筐篚以將其厚意然後忠臣嘉賓得盡其心矣 輯評曰鹿鳴卷阿皆君臣游燕

之詩而切磋相成之義如此然則何往而非學何事而非道游燕猶然況 講學論政之時乎 朱子曰朝曰君臣燕曰主賓先王以禮使臣之厚也 ○四牡勞使臣之來也有功而

見知則說矣 ○皇皇者華君遣使臣也送之以禮樂言遠而有光華也 王氏曰國家大患無過上下壅蔽故巡狩述職而外又廷遣使臣咨

諏咨謀數四致意焉秋官小行人先王特重其典 顧氏云皇華遣使第舉邦之事邦之難邦之禮邦之親藉使一一參稽聯其否隔封建所以久而無弊也 ○常棣燕兄弟也閔管蔡

之失道故作常棣焉 ○伐木燕朋友故舊也自天子至於庶人未有不須友以成者親親以睦友賢不棄

不遺故舊則民德歸厚矣 真氏云鹿鳴之詩以臣為賓伐木之詩以臣為友止見為人之求友而不見為君之求臣蓋先王樂道忘勢但知有朋友相須之樂而不見有君臣相臨之分

也 ○天保下報上也君能下下以成其政臣能歸美以報其上焉 ○采芣遺戍役也文王之時西有昆夷

之患北有玁狁之難以天子之命命將帥遣戍役以守衛中國故歌采芣以遣之出車以勞還林杜以勤

歸也 ○出車勞還率也 鄭箋云文王為西伯時天子指殷王也 ○杕杜勞還役也 ○魚麗美萬物盛多能備禮也文武以天

保以上治內采芣以下治外始於憂勤終於逸樂故美萬物盛多可以告於神明矣 ○南陔孝子相戒以

養也 呂氏云南方養萬物方此以戒養故取之為名 王氏云羣經音辨曰序曰孝子相戒以養陔當訓為戒鄉飲酒燕禮賓醉而出奏陔夏鄭氏注陔之言戒也 ○白華孝子之絜白

也○華黍時和歲豐宜黍稷也有其義而亡其辭朱子云自南陔至華黍皆笙詩有聲無辭 劉原父云

辭非亡失之南陔以下六詩有聲無詩故云笙不云歌有其義亡其 亡乃無也 ○南有嘉魚樂與賢也太平之君子至誠樂與賢者共之也郝氏云成王盛時周公下士 藹藹多吉人是詩可以觀焉

南山有臺樂得賢也得賢則能為邦家立太平之基矣歐陽修曰南山多草木如周大國多賢才 ○由庚萬物得由其道也○

崇巨萬物得極其高大也○由儀萬物之生各得其宜也有其義而亡其辭朱子曰三 蓼蕭澤及四海也

詩止言天子諸侯笑語心寫之樂曷云澤及四海在易比之象曰先王以建萬國親諸侯親侯正所以比天下故知古序之旨簡而該 ○湛露天子燕諸侯也○彤弓天子

錫有功諸侯也劉氏曰湛露燕以示慈惠彤弓饗以訓恭儉慈惠以布政恭儉以行禮 范氏曰先王知

然強凌弱大并小天子之令有所諸侯不可無長故為方伯連帥以統之有功則賜之弓矢以正諸夏此王室所以尊也不 不行故曰彤弓廢則諸夏衰矣 ○菁菁者莪樂育材也君子能長育人材則天下喜樂之矣○六月宣

北王伐也蓋成王傳康王刑錯四十餘年為極盛至昭王南征不復穆王好巡遊已稍衰閱共王懿王孝 氏謂六月使吉甫采芑命方叔王至夷王下堂見諸侯厲王以虐流彘二伯行政號共和宣王即位 毛傳此篇宣王自征鄭

江漢命召公惟常武宣王自征 ○采芑宣王南征也陳永嘉曰六月之詞追采芑之詞緩 蓋六月以討而定采芑以威而服也 ○車攻宣王復

古也宣王能內修政事外攘夷狄復文武之竟土修車馬備器械復會諸侯於東都因田獵而選車徒焉

○吉日美宣王田也能慎微接下無不自盡以奉其上焉柳河東平淮西表云宣王時選徒出狩則車攻 吉日命官分土則崧高韓奕烝民南征北伐則

六月采芑平淮夷則江漢常武 ○鴻雁美宣王也萬民離散不安其居而能勞來還定安集之至於矜寡無不得其所焉

徐氏云此詩之作所謂沐浴膏澤而歌詠勤苦者也顧懋樊曰芑矣富人哀此 庭燎美宣王也因以箴

之王有雞人之官以告時王不正其官而問夜早晚凡鏡始者必情終故箴之伯厚王氏云宣王  
宴起姜后請愆則庭燎之箴始勤終怠可見矣殺杜伯而非其罪則沔水之規讒言其典可見矣

水規宣王也○鶴鳴誨宣王也○祈父刺宣王也嚴華谷曰宣王料民太原人不足用乃出禁衛以從軍責祈父責宣王也○曰駒大夫刺宣

王也○黃鳥刺宣王也○我行其野刺宣王也周盛時以陸渙任恤教民風俗醇如也○斯干宣王考室

也○無羊宣王考牧也○節南山家父刺幽王也○正月大夫刺幽王也○十月之交大夫刺幽王也○

雨無正大夫刺幽王也雨自上下者也衆多如雨而非所以為政也○小旻大夫刺幽王也○小宛大夫

刺幽王也○小弁刺幽王也太子之傅作焉○巧言刺幽王也大夫傷於讒故作是詩也○何人斯蘇公

刺暴公也暴公為卿士而譖蘇公焉故蘇公作是詩以絕之○巷伯刺幽王也寺人傷於讒故作是詩也

○谷風刺幽王也天下俗薄朋友道絕焉○蓼莪刺幽王也民人勞苦孝子不得終養爾○大東刺亂也

東國困於役而傷於財譚大夫作是詩以告病焉○四月大夫刺幽王也在位貪殘下國構禍怨亂並興

焉○北山大夫刺幽王也役使不均已勞於從事而不得養其父母焉傳曰大東言賦之不均北山言役之不均○無將大車

大夫悔將小人也無將大車者君子以小人可惟我驅使而將之也豈知既進而掣肘犄角反受其害哉史又言號石父巧佞善諛幽王以為卿士時君子必有為所惑者○小明大

夫悔仕於亂世也鄭箋云幽王自小○鼓鐘刺幽王也蘇氏云樂則是人則非言外生悲○楚茨刺幽王也政煩賦重田

萊多荒饑饉降喪民卒流亡祭祀不饗故君子思古焉嚴華谷曰章首有自昔何為一語若非古序自此以下四詩且為正雅矣○信南山刺

詩序下

幽王也不能修成王之業疆理天下以奉禹功故君子思古焉○甫田刺幽王也君子傷今而思古焉○

大田刺幽王也言矜寡不能自存焉○瞻彼洛矣刺幽王也思古明王能爵命諸侯賞善罰惡焉○裳裳

者華刺幽王也古之仕者世祿小人在位則讒諂並進棄賢者之類絕功臣之世焉王伯厚云世臣與國

夾輔王室家父仍叔二雅舊臣歷汾王之亂平王之遷猶在也侯國則翼之九宗遂之四氏與封建之法相維持○桑扈刺幽王也君臣上下動無禮文焉○鴛

鴛刺幽王也思古明王交於萬物有道自奉養有節焉○頍弁諸公刺幽王也暴戾無親不能宴樂同姓

親睦九族孤危將亡故作是詩也○車蔭大夫刺幽王也褒姒嫉妒無道並進讒巧敗國德澤不加於民

周人思得賢女以配君子故作是詩也○青蠅大夫刺幽王也○賓之初筵衛武公刺時也幽王荒廢媒

近小人飲酒無度天下化之君臣上下沈湎淫液武公既入而作是詩也郝氏云王朝有雅列國有風使武公自悔過當在衛風與淇澳

同矣序云刺時者武公為王卿士不敢斥言刺王諷諫之義也○魚藻刺幽王也言萬物失其性王居鎬京將不能以自樂故君子思古

之武王焉居鎬自武始幽王將失鎬京故思武王焉○采芣刺幽王也侮慢諸侯諸侯來朝不能錫命以禮數徵會之而無信

義君子見微而思古焉褒姒不笑王舉烽燧諸侯畢至至則無寇褒姒乃大笑後申伯以犬戎攻王王舉燧侯莫至見微見及此也○刺幽王也

柳幽王所以失諸侯雅之變○角弓父兄刺幽王也不親九族而好讒佞骨肉相怨故作是詩也○苑柳刺幽王也暴

虐無親而刑罰不中諸侯皆不欲朝言王者之不可朝事也○都人士周人刺衣服無常也古者長民衣

服不貳從容有常以齊其民則民德歸壹傷今不復見古人也○采綠刺怨曠也幽王之時多怨曠者也  
○黍苗刺幽王也不能膏潤天下卿士不能行召伯之職焉○隰桑刺幽王也小人在位君子在野思見  
君子盡心以事之○白華周人刺幽王也幽王娶申女以爲后又得褒姒而黜申后故下國化之以妾爲  
妻以孽代宗而王弗能治周人爲之作是詩也○緜蠻微臣刺亂也大臣不用仁心遺忘微賤不肯飲食  
教載之故作是詩也○瓠葉大夫刺幽王也上棄禮而不能行雖有牲牢饗餼不肯用也故思古之人不  
以微薄廢禮焉○漸漸之石下國刺幽王也戎狄叛之荆舒不至乃命將率東征役久病於外故作是詩  
也樂府拾遺曰孔子全篇刪者驪駒是也有刪兩句者月離於畢俾  
也滂池矣月離於箕風揚沙矣是也有刪一句者素以爲絢兮是也○蒼之華大夫閔時也幽王之時西  
戎東夷交侵中國師旅並起因之以饑饉君子閔周室之將亡傷已逢之故作是詩也○何草不黃下國  
刺幽王也四夷交侵中國背叛用兵不息視民如禽獸君子憂之故作是詩也

### 大雅

文王文王受命作周也

周至文王而始大故曰作周張氏云文王於天下無所與惟正己而已若謂文行善以受命有意作之者非也

○大明文王有明德故天

復命武王也

鄭氏云二聖相承其明德日以廣大故曰大明

○緜文王之興本由太王也

鍾氏曰不讀此數章不知周家經制多出古公其才何必滅周公也○棫

樸文王能官人也

王伯厚云賈誼書容經篇諺云君子重襲小人無由入正人十倍邪僻無由來古之人其謹於所近乎此云左右趣之言左右日以善趣也此卽選左右之說 朱豐城曰國

之大事在祀與戎此篇二章言人心趨向於  
祭祀之時三章言人心趨向於征伐之日  
○旱麓受祖也周之先祖世修后稷公劉之業大王王季申

以百福于祿焉○思齊文王所以聖也○皇矣美周也天監代殷莫若周周世世修德莫若文王  
程子曰文王之

征始於密王功之始也終於崇天下遂無不服王功之成也  
顧懋樊曰全詩大意在其民然非明德之君不能也篇中以帝遷明德說大王其德克明說王季予懷明德說文王  
○靈臺民始附

也文王受命而民樂其有靈德以及鳥獸昆蟲焉○下武繼文也武王有聖德復受天命能昭先人之功

焉  
徐氏云下章曰繼伐則此言繼文者繼三后之文德也恐後人疑武王有戾於三后故歷言其繼文之美明其於服事之心毫髮無悖繼伐者武之救民繼文者武之達孝也  
○文王有聲繼

伐也武王能廣文王之聲卒其伐功也  
遷豐而稱武功遷鎬而稱辟靡正見文武相濟顧甯人曰皇王維辟見武之盡君道鎬京辟靡見武之盡師道  
○生民

尊祖也后稷生於姜嫄文武之功起於后稷故推以配天焉○行葦忠厚也周家忠厚仁及草木故能內

睦九族外尊事黃耆養老乞言以成其福祿焉○既醉太平也醉酒飽德人有士君子之行焉  
自文武至成王太平

無事王與羣臣祭  
畢而燕作此詩  
○鳧鷖守成也太平之君子能持盈守成神祇祖考安樂之也○假樂嘉成王也○公

劉召康公戒成王也成王將涖政戒以民事美公劉之厚於民而獻是詩也  
王伯厚云以公劉之詩考之君之宗之宗法始於此其軍

三單軍法始於此徹田爲糧  
徹法始於此周禮有自來矣  
○洞酌召康公戒成王也言皇天親有德饗有道也○卷阿召康公戒成王

也言求賢用吉士也  
王氏云守成急務無過登賢登賢無過擇相豈弟君子大臣也吉士吉人庶官也王能用君子君子能用吉士則伴奭優游之樂至今存可矣自朱氏以君子指成王則

通篇皆頌聖之語而召公戒王之意隱矣  
輯評云既醉云介爾景福而必曰朋友攸攝假樂云○民勞千祿百福而必曰率由羣匹與百辟卿士媚於天子蓋人君所以致福祿者未有不自得人始也  
○民勞



召穆公刺厲王也○板凡伯刺厲王也○蕩召穆公傷周室大壞也厲王無道天下蕩蕩無綱紀文章故

作是詩也○抑衛武公刺厲王亦以自警也○桑柔芮伯刺厲王也○雲漢仍叔美宣王也宣王承厲王

之烈內有撥亂之志遇裁而懼側身修行欲消去之天下喜於王化復行百姓見憂故作是詩也○崧高

尹吉甫美宣王也天下復平能建國親諸侯褒賞申伯焉郝氏云申以元舅褒封未幾率犬戎弑幽王滅宗周匪寇婚媾一反手間可不畏哉何氏云

竹書紀年宣七年錫申侯命四十一年王師敗於申則申人逆命已在宣王之世王伯厚云漢恩澤侯表曰帝舅緣大雅申伯之意後之寵外戚者率以是藉口自宣王封申伯而申侯卒以召戎禍猶可以為

後世法乎○烝民尹吉甫美宣王也在賢使能周室中興焉郝氏云時厲王流彘諸侯已不知有天子齊遠而區區之城且以上請豈非宣王復興之烈哉刪詩

存烝民春秋之旨也如解作送行何關王政何登於雅○韓奕尹吉甫美宣王也能錫命諸侯黃氏云韓扞臨晉以制狄謝衛武關以制楚皆天下形勝故特著之又云

厲王時錫命之典不行至是命申伯以懷南諸侯命樊侯以懷東諸侯命韓侯以懷北諸侯規模宏遠矣何義門云服蠻荆而定申伯伐獫狁而錫韓侯於是南夷不得與北狄交山甫城東方召虎平淮夷其

聲勢足以相應三面底甯○江漢尹吉甫美宣王也能興衰撥亂命召公平淮夷周與西北距東南最遠西京復見成康之盛矣淮夷倚江漢之險料西

北帥士習流其所短也而敢抗召虎獨以偏師浮江而下江漢之捷此三代以來涉險出奇之祖而疆理至於南海東南地利後世遂甲於天下豈知周宣啓闢之功哉朱氏曰封建井田皆先王良法故江漢

既平即命關四方將以復封建之舊也徹疆土將以復井田之舊也此宣王所以為中興之盛○常武召穆公美宣王也有常德以立武事因為戒然

詩無常武字而以名篇有常德以立武則○瞻卬凡伯刺幽王大壞也○召旻凡伯刺幽王大壞也旻閔

也閔天下無如召公之臣也陳止齋曰風之終係以幽雅之終係以召旻豈非化之衰者必有思乎二公劉氏曰此詩居變雅之終慨然有懷文武召公之盛以見亂極思治之理

原书缺页

原书缺页

廟考之春秋皆無其事蓋廟與學自先公而有之矣僖修復其舊常事故不書至  
淮夷而曰卒獲亦有所未獲欲其卒獲也詩詞雖過實要本其事而為禱祝云爾○闕宮頌僖公能復周

公之字也黃氏樵云此詩膺戎狄懲荆舒荒大東荒徐宅在僖公無其事而詩人言之亦人情之所願欲也夫子安得而不取之王伯厚云魯以稷配天周之東遷始僭禮矣夫子以為周公之衰史

克何美焉齊百庭燎晉請王章禮樂安得不自大夫出手顧甯人云太王當武丁祖甲之世殷道未衰何從有翦商之事僖公之世距太王六百餘年作詩之人特本其王迹所基而侈言之耳張氏云一日

之問天命未絕猶是君臣

商頌武王伐紂以火正闕伯之墟封微子七世至戴公當宣王時大夫正考父校商頌十二篇於周太師以那為首孔子錄詩得五篇正考父孔子七世祖郝氏云杞宋無徵夫子傷之嘗曰已

殷人也聖人每事不忘先況禮樂乎以商頌終樂其所自生也

那祀成湯也微子至於戴公其間禮樂廢壞有正考父者得商頌十二篇於周之太師以那為首○烈祖

祀中宗也太戊立毫有祥桑穀共生於朝暮大拱太戊懼而修德立枯死殷道復興號中宗○元鳥祀高宗也武丁祭之彤日有雉升鼎耳而雊懼而修德殷復興號高宗湯十四

世孫也○長發大禘也殷有四時之禘別於時禘之小而曰大禘其祖之所自出以祖配之蓋禘壘也林

也○殷武祀高宗也郝氏云荆楚之國天下有道則首善焉文王之二南是也無道則首叛焉商周之中葉是也繼世之王有能中興者則天下視此為向背焉高宗之殷武周宣之采芑是

也

荀卿子荀子生於孟子之後最為戰國老師太史公作傳論次諸子獨以孟荀相提並論蓋自秦漢以來孟荀並稱久矣案韓子曰荀氏書考其辭時若不粹要其歸與孔子異者鮮矣孟子醇乎醇

者也荀與揚也  
大醇而小疵

君子曰學不可以已青出之於藍而青於藍冰水爲之而寒於水以喻學則才過其本性也木直中繩輒以爲輪輒屈也

其曲中規雖有槁暴不復挺者槁枯暴乾挺直也輒使之然也故木受繩則直金就礪則利君子博學而日參省

乎已以所學於古者參驗省察於己之所行也則知明而行無過矣○積土成山風雨興焉積水成淵蛟龍生焉積善成德而

神明自得聖心循焉故不積跬步跬無以至于千里不積小流無以成江海鏗苦結反而舍之朽木不折鏗

而不合金石可鏤音漏行衢道者不至爾雅曰四達謂之衢或曰兩道也不至不能有所至事兩君者不容目不兩視而明耳不兩聽

而聽騰音騰蛇無足而飛爾雅郭璞注騰蛇龍類能與雲霧游其中也梧鼠五技而窮梧鼠當爲鼯鼠言技能雖多而不能如騰蛇之專一故窮五技謂能飛不能上屋能

緣不能窮木能游不能渡谷能穴不能掩身能走不能先人詩曰其儀一兮心如結兮故君子結於一也○非我而當者我師也是我

而當者我友也諂諛我者我賊也故君子隆師而親友以致惡其賊致猶極也○良農不爲水旱不耕良賈不

爲折閱不市折損也閱賣也謂損所閱賣之物價也士君子不爲貧窮怠乎道○道雖邇不行不至事雖小不爲不成其爲

人也多暇日者其出入不達矣多暇日謂怠惰出入謂道路所至也○君子行不貴苟難說不貴苟察名不貴苟傳唯其當

之爲貴當謂合禮義也○君子養心莫善於誠致誠則無他事矣極其誠則外物不能害天地爲大矣不誠則不能化萬物

聖人爲知矣不誠則不能化萬民○公生明偏生闇端慝生通詐僞生塞誠信生神至誠如神夸誕生惑誇誇妄誕

則貪惑此六生者君子慎之○越人安越楚人安楚君子安雅雅正也正而有美德者謂之雅○短綆不可以汲深井之

荀子

泉知不幾者不可與及聖人之言○信信信也疑疑亦信也信可信疑可疑意雖不同皆歸於信也貴賢仁也賤不肖亦仁

也言而當知也默而當亦知也故知默猶知言也○仲尼之門人五尺之童子言羞稱乎五伯是何也曰

彼以讓節爭依乎仁而蹈利者也非真讓真仁也小人之傑也彼固曷足稱乎大君子之門哉○聞之而不見雖

博必繆見之而不知雖識必妄知之而不行雖敦必困苟不能行雖所知多厚必至困躓也○馬駭輿則君子不安輿庶人

駭政則君子不安位傳曰君者舟也庶人者水也水則載舟水則覆舟此之謂也○澤人足乎木山人足

乎魚農夫不斲削不陶冶而足械用工賈不耕田而足菽粟○明主好要而闇主好詳主好要則百事詳

主好詳則百事荒○有亂君無亂國有治人無治法羿之法非亡也而羿不世中禹之法猶存而夏不世

王○趙孝成王曰請問兵要孫卿子曰仁人上下百將一心三軍同力臣之於君也下之於上也若子之

事父弟之事兄若手臂之捍頭目而覆胸腹也○齊之技擊不可以遇魏氏之武卒魏氏之武卒不可以

遇秦之銳士秦之銳士不可以當桓文之節制桓文之節制不可以敵湯武之仁義有遇之者若以焦熬

投石焉○以詐遇詐猶有巧拙焉以詐遇齊譬之猶以錐刀墮太山也非天下之愚人莫敢試故王者之

兵不試一舉而定不必試也○戰如守不務越逐也行如戰有功如幸不務驕矜也○有天下者事十世十當作七穀梁傳天子七廟有一

國者事五世有五乘之地者事三世大夫有采地者得立三廟也有三乘之地者事二世適士立二廟也持手而食者不得立





使人必貴己能為可用不能使人必用己○數仞之牆而民不踰也百仞之山而豎子馮而游焉陵遲故也今夫世之陵遲亦久矣而能使民勿踰乎○孔子曰如埴而進吾與之如土而止吾已矣今學曾未如

疣音贅則具然欲為人師疣贅結肉具然滿足貌○曾子曰魚鼈龜鼉猶以水為淺而堀同窟其中鷹鷂猶以山為卑

而增巢其上及其得也必以餌故君子苟能無以利害義則恥辱無由至矣○南郭惠子問於子貢曰夫

子之門何其雜也子貢曰良醫之門多病人驢楛之側多枉木是以雜也驢音隱楛音檜同樛說文註正邪曲之器揉曲者曰驢正方者

樛曰

竹書紀年晉太康二年汲郡人私發魏安釐王冢得竹書數十車其紀年皆用夏正建寅之月為歲首編年相次三卿分晉以後獨記魏事蓋魏國之史記也

黃帝軒轅氏索隱曰有土德之瑞土色黃故稱黃帝按皇甫謐曰帝居軒轅之丘因以為名姓公孫長居姬水因改姓姬母曰附寶見大電繞北斗樞感而孕

二十五月而生帝於壽丘攻蚩尤以女魃止淫雨天下既定有屈軼之草生於庭佞人入朝則草指之是

以佞人不敢進○元年初制冕服張晏曰作軒冕之服故謂之軒轅徐孚遠曰正義以兵車為營衛若轅門即其遺象則軒轅之號張說非也○二十年景雲

見以雲紀官○五十九年貫胸氏長股氏來賓

帝顓頊高陽氏姬姓祖曰黃帝父曰昌意以水德王初國高陽故號高陽氏都帝丘母曰女樞見瑤光之星貫月如虹感已於幽房之宮生

顓頊於若水首戴干戈有聖德生十年而佐少昊氏二十而登帝位○十三年初作曆象○二十一年作

承雲之樂

帝譽高辛氏帝王紀曰帝譽高辛姬姓也其母生見其神異自言其名曰崑齟齡有德年十五而佐顓頊三十登位○四十五年帝錫唐侯命

帝堯陶唐氏謚法曰翼善傳聖曰堯索隱曰堯姓伊祁氏皇甫謐曰堯生時其母寄於伊長孺之家故從母所居為姓也母曰慶都陰風四合赤龍感之孕十

四月而生堯於丹陵正義曰譽有四妃姜嫄生后稷簡狄生高慶都生放勳常儀生帝摯帝王紀曰摯於兄弟最長登帝位封放勳為唐侯在位九年政微弱而唐侯德盛諸侯歸之摯服其

義乃率羣臣造唐而致禪○五年初巡狩四岳○十二年初治兵○十六年渠搜氏來賓○十九年命共工治河○二

十九年憊憊氏來朝貢沒羽○四十二年景星見於翼○五十八年帝使后稷放帝子朱於丹水○七十

年帝使四岳錫虞舜命帝在位七十年景星出翼鳳凰在庭朱草生嘉禾秀甘露潤醴泉出日月如合璧五星如聯珠洪水既平歸功於舜將以天下禪之乃潔齊修壇場於河洛率舜等

登首山榮光出河休氣四塞白雲起回風搖乃有龍馬銜甲赤文綠色綠壇而上吐甲圖而去甲似龜背廣九尺其圖以白玉為檢赤土為泥泥似黃金約以青繩檢言虞夏當授天命帝乃寫其言藏於東序後

二年沈璧於洛赤光起元龜負書而出其書言當禪舜遂禪舜

帝舜有虞氏謚法曰仁聖盛明曰舜楊慎曰按羅泌云嘗見劉毓所書呂梁碑序虞舜之世舜祖幕幕生窮蟬窮蟬生敬康敬康生喬牛喬牛生瞽瞍瞽瞍生舜質之史記雖同而不言出自黃帝此

可以洗二女同姓尊卑為婚之疑矣母曰握登見大虹意感而生舜於姚墟正義曰瞽瞍姓媯舜生於姚墟故姓姚目重瞳子故曰重華字都君舜父母憎舜

使其塗廩自下焚之舜服鳥工衣服飛去又使浚井自上填之以石舜服龍工衣自傍而出○三年命皋

陶作刑○九年西王母來朝山海經玉山西王母所居也西王母狀如人豹尾虎齒蓬髮戴勝善嘯獻白環玉玦○十四年卿雲見命禹代

經 餘必 賣 卷上 竹書紀年 四十

虞事和氣普應卿雲興焉若烟非烟若雲非雲郁郁紛紛蕭索輪囷百工相和而歌慶雲乃設壇於河依堯故事榮光休至黃龍負圖出於壇畔赤文綠錯其文言當禪禹 ○十七年春二月入學初用萬 ○二十五年息慎氏來朝貢弓矢 ○二十九年帝命子義鈞封於商 ○四十二年元都氏

來朝貢寶玉

帝禹夏后氏

諡法曰受禪成功曰禹

母曰修己見虹貫昴夢接意感既而吞神珠修己背剖而生禹於石紐禮緯曰

蕙政生故夏后姓姁氏揚雄蜀王本紀曰禹本汝山郡廣柔縣人也生於石紐括地志曰茂洲汝川縣石紐山在縣西 ○元年壬子殞夏時於邦國太史公曰孔子正夏時學者多

傳夏小 ○五年巡狩會諸侯於塗山南巡狩濟江中流有二黃龍負舟舟人皆懼禹笑曰吾受命於天屈力以養人生性也死命也奚憂龍哉龍曳尾而逝 ○八年

會諸侯於會稽夏本紀贊或言禹會諸侯江南計功而崩因葬焉命曰會稽會稽者會計也皇覽曰會稽山本名苗山 殺防風氏夏六月雨金於夏邑

帝啟 ○元年大饗諸侯於鈞臺諸侯從帝歸於冀都大饗諸侯於瑋臺 ○二年費侯伯益出就國 ○十年

帝巡狩舞九韶於大穆之野

帝相 ○十五年商侯相土作乘馬遂遷於商丘

帝少康 ○三年復田稷后稷之後不啻失官至是而復揚憤曰呂梁碑所載 ○十一年使商侯冥治河

帝不降 ○五十九年遜位於弟扃三代之世內禪惟不降實有聖德

帝廩 ○四年作西音

帝孔甲○五年作東音王田於東陽寶山天大風晦首孔甲迷惑入於民室主人方乳或曰不勝也之子必有殃孔甲聞之曰以爲余一人子夫誰殃之乃取其子以歸既長爲斧所戕乃

作破斧之歌  
是爲東音

帝癸○三年築傾宮○十三年初作擘○十四年扁帥師伐岷山一作山民癸命扁伐山民山民女於桀二人曰琬曰瑗斷其名於苕華之玉苕

是琬華是瑗而棄其元妃於洛曰妹喜於傾宮曰妹喜周本作置妹喜飾瑤臺居之○十五年商侯履遷於亳孔安國曰自契至湯十四世凡八遷國都契父帝嚳都亳湯自商邱遷焉

○十七年商使伊尹來朝○二十年伊尹歸於商及汝鳩汝方會於北門汝方殷本紀作汝房孔安國曰鳩房二人湯之賢臣也○

二十一年商師征有洛克之遂征荆荆降孔安國曰爲夏方伯得專征伐○二十二年商侯履來朝命囚履於夏臺○二

十三年釋商侯履諸侯遂賓於商○二十六年商滅温○二十八年昆吾氏伐商商會諸侯於景亳遂征

韋商師取韋遂征顧太史令終古出奔商○二十九年商師取顧○三十年商師征昆吾○三十一年商

自隲征夏邑克昆吾大雷雨戰於鳴條夏師敗績桀出奔三臆商師征三臆戰於郟獲桀於焦門放之於

南巢自禹至桀十七世有王與無王用歲四百七十一年

殷商成湯諡法曰除虐去殘曰湯湯放桀而還諸侯八譯而來者千八百國奇肱氏以車至同尊天乙履爲天子契

爲堯司徒成功於民受封於商後十三世生主癸主癸之妃曰扶都見白氣貫月意感以乙日生湯號天

乙湯乃東至於洛觀帝堯之壇沈璧退立黃魚雙躍黑鳥隨之止於壇上化爲黑玉又有黑龜並赤文成

字言夏桀無道湯當代之禱杙之神見於邳山有神牽白狼銜鉤而入商朝金德將盛銀自山溢○十八年癸亥始屋夏社○二十一年大旱鑄金幣○二十五年作大漢樂初巡狩定獻令○二十七年遷九鼎於商邑

太甲○元年辛巳伊尹放太甲於桐乃自立

沈約按伊尹自立蓋誤以攝政爲真耳

○七年王潛出自桐殺伊尹天大霧三

日乃立其子伊陟伊奮命復其父之田宅而中分之

沈約按此文與前後不類蓋後世所益

太戊○七年有桑穀生於朝○三十一年命費侯中衍爲車正○三十五年作寅車○七十五年陟

太戊遇祥

桑側身修行三年之後遠方慕明德重譯而至者七十六國商道復興與廟爲中宗

祖乙○十五年命邠侯高圉

宋忠曰高圉能率稷者也周人報之

盤庚○十五年營殷邑○十九年命邠侯亞圉

武丁○六年命卿士傅說視學養老

祖甲○十三年命邠侯組緡

武乙

殷本紀武乙無道爲木偶爲天神與之博天人

○元年邠遷於岐周

正義曰太王所居周原因號曰周

○三年命周

公奭父賜以岐邑

鍾惺曰古公才近周公有周經制半出其手徐廣云岐在扶風美陽西北其南有周原

○二十四年周師伐程戰於畢克之○三



十年周師伐譏渠乃獲其君以歸○三十四年周公季歷來朝王賜地三十里五十穀馬十匹周本紀曰是為公季

修古公遺道篤於行義諸侯順之

文丁○四年周公季歷伐余無之戎克之命為牧師○五年周作程邑○七年周公季歷伐始呼之戎克

之○十一年周公季歷伐翳徒之戎獲其三大夫來獻捷王殺季歷王嘉季歷之功錫之圭瓚祖鬯九命為伯既而執諸塞庫季歷困而死因

謂文丁殺季歷

帝辛○元年己亥王命九侯虢侯邳侯周侯為西伯昌○二年有雀生鷦○四年作炮烙之刑○五年築南單之

臺南土於亳○六年西伯初禴於畢○九年王師伐有蘇獲妲己以歸作瓊室立玉門○二十一年諸侯

朝周伯夷叔齊自孤竹歸於周○二十三年囚西伯於羗里○二十九年釋西伯諸侯逆西伯歸於程○

三十年春三月西伯率諸侯入貢○三十一年西伯治兵於畢得呂尚以為師○三十二年五星聚於房

有赤烏集於周社鄭元曰烏是孝鳥言武王能終父業○三十三年王錫命西伯得專征伐沈約按文王受命九年大統未集蓋得專征伐受命自此年始

○三十五年周大饑西伯自程遷於豐正義曰崇國蓋在豐鎬之間詩云既伐於崇作邑於豐崇國之地也○三十六年西伯使世子發營

鎬○三十七年周作辟雍○四十年周作靈臺王使膠鬲求玉於周○四十一年西伯昌薨○四十二年

西伯發受丹書於呂尚○五十二年周師次於鮮原冬十有二月周師有事於上帝庸蜀羌髡微盧彭濮

從周師伐殷湯滅夏以至於受二十九王用歲四百九十六年

周武王諡法曰克定禍亂曰武初黃帝之世讖言曰西北為王期在甲子昌制命發行誅旦行道及公劉十三世而

生季歷季歷之十年飛龍盈於殷之牧野蓋聖人在下位將起之符也文王之妃曰太妣夢商庭生棘太

子發植梓樹於闕閭化為松柏檇以告文王文王率羣臣與發並拜告夢赤爵銜書及豐置於昌戶其

文曰姬昌蒼帝子亡殷者紂王將改史編卜之曰將大獲非熊非羆天遣太師以佐昌至於磻溪昌尚釣

於涯王下趨拜曰望公七年乃今見光景於斯尚立變名答曰望釣得玉璜其文要曰姬受命昌來提撰

爾洛鈴報在齊尚出遊見赤人自洛出授尚書命曰召佐昌者子文王夢日月著其身又鸞鷲鳴於岐山

五緯聚房後有鳳凰銜書書曰殷帝無道虐亂天下星命已移不得復久靈祇遠離百神吹去五星聚房

昭理四海文王既沒太子發立是為武王○十二年率諸侯伐殷敗之於姆野王親禽紂於南單之臺王

歸於豐饗於太廟遂狩於管作大武樂○十三年巢伯來賓○十五年肅慎氏來賓

成王諡法曰安民立政曰成周本紀曰周成康之際天下安甯刑錯四十餘年不用○元年丁酉命冢宰周文公總百官庚午周公誥諸侯於皇

門○三年王師滅殷遷殷民於衛○五年遷殷民於洛邑遂營成周○六年大蒐於岐陽○七年周公復

政於王○八年命魯侯禽父齊侯伋遷庶殷於魯○十八年王如洛邑定鼎鳳凰見遂有事於河周公攝政七年

制禮作樂神鳥鳳凰見黃炎生乃與成王觀於河洛沈璧禮畢榮光並出幕河青龍臨壇衛元甲之圖坐之而去禮於洛亦如之元龜止於壇背甲刻書赤文成字周公援筆以寫之其言自周公訖於秦漢盛衰之符成王援琴而歌曰鳳凰翔兮於紫庭余何德兮以感靈賴先王兮恩澤臻于胥樂兮民以甯

康王諡法曰令民安樂曰康 ○元年甲戌命冢宰召康公總百官諸侯朝於豐宮 ○九年唐遷於晉作宮而美王使人讓之

人讓之

穆王諡法曰布德執義曰穆 ○十二年王北巡狩遂征犬戎穆天子傳曰天子北征犬戎賜七萃之士戰北風雨雪天子以寒之故命王屬休又曰天子南遊日中大寒北

風雨雪有凍人天子作詩三章以哀民其一曰我徂黃竹口員闕寒帝收九行嗟我公侯百辟冢卿皇我萬民且夕勿忘 ○十五年作重壁臺 ○十七年王西征昆侖

已見西王母其年西王母來朝賓於昭宮穆天子傳曰天子觴西王母於瑤池之上西王母為天子謠曰白雲在天山際自出道里悠遠山川間之將子無死尙能復來

○三十七年大起九師東至於九江駕鼉鼉以為梁遂伐越 ○五十一年作呂刑

孝王諡法曰秉德不回曰孝 ○五年西戎來獻馬

厲王諡法曰殺戮無辜曰厲 ○元年楚人來獻龜貝 ○十三年王在彘共伯和攝行天子事魯連子曰共伯名和好行義王奔於彘諸侯奉

和行天子事號曰共和元年 ○二十六年大旱王陟於彘周定公召穆公立太子靖為王共伯和歸其國遂大雨大旱既久

廬舍俱焚會汾王崩卜於太陽兆曰厲王為祟周公召公乃立太子靖共和遂歸國和有至德尊之不喜廢之怒道遙得志於共山之首

宣王諡法曰聖善周聞曰宣 ○元年周定公召穆公輔政復田賦作戎車 ○八年初考室 ○二十九年初不藉千畝

藉蹈藉也宣王不修親耕之禮也 ○三十年有兔舞於鎬京 ○三十九年伐姜戎戰於千畝王師敗逋索隱曰千畝地名按此千畝與上千

畝不同 ○四十年料民於太原

幽王諡法曰壅遏不通曰幽 ○二年涇渭洛竭岐山崩初增賦 ○三年王嬖褒姒冬大震電 ○五年王世子宜臼出

奔申 ○十一年申人鄩人犬戎入宗周弑王及鄭桓公殺王子伯服執褒姒以歸申侯魯侯許男鄭子立

宜臼於申徐孚遠云申侯既伐周必與救周諸侯為水火何以共立平王予意申侯陰令戎攻周而身不與其事故以興周之名立平王也 虢公翰立王子余臣於攜是為

攜王自武王元年己卯至幽王庚午二百九十二年

平王諡法曰布綱治紀曰平 ○元年王東徙洛邑錫文侯命晉侯會衛侯鄭伯秦伯以師從王入於成周 ○二十一

年晉文侯殺王子余臣於攜